

四庫全書

集部

欽定四庫全書

集部

文選卷四十六

詳校官庶吉士_臣汪彥博

助教_臣常循覆勘

總校官編修

_臣

王燕緒

校對官中書

_臣

吳紹昱

謄錄監生

_臣

邱卿雲

欽定四庫全書

文選卷四十六

梁昭明太子蕭統編

唐李善呂延濟劉良張銑呂向李周翰注

序下

豪士賦序一首

陸士衡

善曰臧榮緒晉書曰機惡齊王問矜功自伐受爵不讓及齊亡作豪士賦呂氏

春秋曰老聃孔子墨翟關尹子列子陳騭楊朱孫臏王寥兒良此十人者皆天下之豪士

也然機猶假美號以名賦也
翰曰豪士謂智勇人也機惡見齊王問自矜其功有篡位之心因此賦以諷之終不寤矣
文選但錄其序莫載其賦

夫立德之基有常而建功之路不一

善曰左氏傳穆叔曰太上有立德其

次有立功向曰建立也言立功者逐事為宜故云不一也

何則循

五臣本作脩

心以為

量者存乎我

善曰言立德必循於心故存乎我
立德是因之於心而潤其身進退是非故

德聲常存乎我也

因物以成務者繫乎彼

善曰言建功必因於物故繫乎彼
良曰

立功於人以成其事是以心常繫於彼也

存夫我者隆殺止乎其域繫乎物

者豐約唯所遭遇

善曰言德有恒量至域便止功無常則因遇乃成域謂身也
濟曰域謂

身也豐約
大本也

落葉俟微風

五臣本作

以墮而風之力蓋寡

善曰

漢書王恢謂韓安國曰夫草木遺霜者不可以遇風也

孟嘗遭雍門而泣琴之感

以末

善曰桓子新論曰雍門周以琴見孟嘗君孟嘗君曰先生鼓琴亦能令文悲乎對曰臣竊為足下有

所悲千秋萬歲後墳墓生荆棘游童牧豎躑躅其足而歌其上曰孟嘗君之尊貴亦猶若是乎於是孟嘗喟然太息涕承睫而未下雍門周引琴而鼓之徐動宮徵揮角羽初終而成曲孟嘗君遂歔歔而就之是琴之感以未也五臣

同善注

何者欲墮之葉無所假烈風將墜之泣不足

繁哀響也是故苟時啓於天理盡於民庸夫可以濟聖

賢之功斗筭可以定烈士之業言遇時也

善本無言遇時也一句

善曰時既啟之於天理又盡於人事言立功易也說苑曰管仲承天也桓公得之以為仲父論語子貢曰今之從政者何如子曰噫斗筭之人何足算也向曰斗筭小器也故曰才不半古而功已

倍之蓋得之於時勢也

五臣本無也今之時萬乘之國行仁政民之

善曰孟子曰當

悅之猶解倒懸也故事半古之人功必倍之唯此時為然銑曰言才不及古之半而立功已倍於古人者蓋

得時遇勢也

歷觀古今徼一時之功而居伊周之位者有矣

善曰孟子曰彼一時此一時

良曰

夫我之自我智士

猶嬰其累物之相物昆蟲皆有此情

善曰孟子曰爾為爾我為我文子曰

譬吾處於天下亦為一物也然則我亦物也而物亦物也物之與我也有何以相物也禮記曰昆蟲未蟄鄭玄

曰昆明也明蟲者陽而生陰而藏濟曰自我謂自說
已是相物謂物皆相輕此雖智士猶嬰繞以為敗累昆
蟲之徒亦夫以自我之量而挾非常之勲神器暉其顧
有此情也

盼萬物隨其俯仰

善曰老子曰天下神器不可為也為者敗之 翰曰挾帶也勲功也神器

天下也稱其光暉承其顧盼故萬物隨其心意以為俯仰心玩居常之安耳飽從諛

之說豈識乎功在身外任出才表者

五臣作哉 善曰史記汲黯曰上置公

卿輔弼之臣寧令從諛承意陷主於不義乎 向曰心玩其所欲以為常安耳飽其諂諛之說以為實然也功

在身外不可自矜也任出才表言位重才輕也且好榮惡辱有生之所大期善

孫卿子曰好榮惡辱好和惡害是君子小人之所同 銑曰期猶同也言生人所大同此意也 忌盈害

上鬼神猶且不免

善曰周易曰鬼神害盈而福謙左氏傳狼睥曰周志有之勇則害上不登

於明堂

良曰忌人盈滿而下之陵上者則鬼神害之也不免謂不免於鬼神之誅也

人主操其

常柄天下服其大節

善曰韓子曰操生殺之柄此人主之勢也左氏傳仲尼曰唯器與名

不可以假人君之所司也政之大節也濟曰操執也言人主執生殺之常柄而天下之臣任其大節佐安社稷

也

故曰天可讎乎而時有衺服荷戟立乎

善本作于

廟門之

下援于旗誓衆奮於阡陌之上

善曰漢書曰宣帝祠孝昭廟旋頭劒挺墮地首

垂泥土中刃響乘輿車馬驚於是召梁丘賀筮之有兵謀不吉上還宮是時霍氏外孫代郡太守任宣坐謀反誅宣子章為公車丞亡在渭城界中夜衺服入廟居郎間執戟立廟門待上至欲為逆發覺伏誅蘇林曰衺服

黑服也過秦論曰陳涉躡足行伍之間而崛起阡陌之中斬木為兵揭竿為旗 韓曰裋服黑衣也荷執援引奮起也君命天也而天命可讎之乎而欲有大逆之事也同善注楚將項燕為秦所殺項梁與諸侯引旗誓眾約將滅秦以報父 況乎代主制命自下裁物者哉 善曰雖也阡陌道路也 財成而臣為之故云自下尸子曰天生萬物聖人財也向曰異世所聞將讎於君者尚以為大逆之道況乎今者代天子之政以行制命自臣下而廣樹恩不足以裁成於物此為臣陵其君非臣下之道 敵怨勤興利不足以補害故曰代大匠斲者必傷其手 善曰老子曰夫代大匠斲希有不傷其手 銑曰大匠為斲固其宜也天子在上同所尊也故人有代匠斲者非其所宜故為斤斧傷也臣代君制非其所順必為天下所誅也 且夫政由甯氏忠臣

所為慷慨祭則寡人人主所不久堪

善曰左氏傳曰衛獻公使與甯喜言

曰苟反國政由甯氏祭則寡人

良曰衛獻公之時政由大夫甯氏不由公族但祭祀宗廟則公主之而已此

忠臣見之慷慨發憤人主當之不能久堪其微也

是以君與鞅鞅

於亮切五臣本作快不

悅公旦之舉

善曰漢書景帝目送周亞夫曰此之鞅鞅非少主臣濟曰君與召公也快快不悅

貌公旦周公也召公為保周公為師相成王召公不悅疑周公有異志於成王也

高平師師側

目博陸之勢

善曰漢書曰魏相字弱翁遷御史四歲代常賢為丞相封高平侯班固述魏相曰高

平師師惟辟作威圖黜凶害天子是毗韋昭師師相尊法也漢書曰列侯宗室見鄧都側目翰曰漢丞相魏

相封高平侯師謂相法也側目言懼也博陸侯霍光也

而成王不遣嫌吝於懷宣

帝若負芒刺於背非其然者

五臣本無者

與

善曰尚書曰武王既喪管叔及

羣弟流言於國曰公將不利於孺子孔安國曰成王信流言而疑周公漢書曰宣帝始立見高廟大將軍霍光

從衆乘上內嚴憚之若有芒刺在背向曰言周公霍

光所以使其疑懼之者豈不為臣勢彊而行君之制使

之然歟昔者周成王不能遣羣臣之謗疑恨周公於懷嫌疑各恨也宣帝同善注

嗟乎光于四

表德莫富焉王曰叔父親莫昵

五臣本作暱

焉

善曰尚書曰光被四表毛

詩曰王曰叔父毛萇曰叔父謂周公也銑曰周公之

志光于四外其德富也成王之叔父其親近也暱近也

登帝天位功莫厚焉守節沒齒忠莫至焉

善曰漢書昭帝崩霍光上

奏曰太宗亡嗣孝武皇帝曾孫病已可以嗣孝昭皇帝太后詔可尚書伊尹曰天位艱哉李陵與蘇武書曰薄

賞子以守節論語或問管仲曰奪伯氏駢邑三百飯疏

食沒齒無怨言良曰周霍二人登帝王於天位其功

厚也至死不易其節忠而傾側顛沛僅而自全濟曰周

之至也沒齒至死也而傾側顛沛僅而自全公為羣

叔流言霍光有芒刺之懼故皆時危勢急則伊生抱明

劣而得自全也傾側顛沛言危也僅劣也則伊生抱明

允以嬰戮文子懷忠敬而齒劔固其所也善曰尚書曰

明伊尹放諸桐左氏傳曰高陽氏有才子明允篤誠紀

年曰太甲潜出自桐殺伊尹吳越春秋曰文種者本楚

南郢人也姓文字字少禽禮記孔子曰儒有懷忠信以待

舉史記曰勾踐平吳人或譏大夫種且作亂越王乃賜

種劔曰子教寡人伐吳七術寡人用其三而敗吳其四

在子子為我從先王試之種遂自殺枚叔上書諫吳王

曰腐肉之齒利劍也翰曰伊生伊尹也文子越大夫

文種也同善注齒及也言明信忠敬之道人之本也以

此而死固為因斯以言夫以篤聖穆親如彼之懿善曰謂周

公也向曰篤厚也穆和也懿美也言厚聖和親周公之美也大德至忠如此之盛善曰

謂霍光也銑曰謂伊尹文種霍光也尚不能取信於人主之懷止謗於

衆多之口過此以往惡焉觀其可安危之理斷可識矣

善曰鄒陽於獄上書曰不奪乎衆多之口銑曰言聖賢盡忠尚不免讒言過此以往中庸之人何有見其可

存者也是以安危之理斷然可知也惡何也識知也又況乎高士大名以冒道家之忌

運短才而易去聖哲所難善曰穀梁傳曰君不尸小事臣不專大名者哉

老子曰富貴而驕自遺其咎莊子曰功成者墮名成者虧孰能去功與名而還與衆人良曰養貪也易輕也

道家所以為忌富貴而驕也聖哲所難其志不易

身危由於勢過而不知去勢

以求安

濟曰權勢過甚則身危之本也去遠勢利則求安之先也

禍積起於寵盛而

不知辭寵以招福

翰曰不知此理則喪亡其身也

見百姓之謀已則申

宮警守以崇不畜之威

善曰左氏傳曰公待於壞墮申宮警備設守而後行杜預曰申

整宮備也

向曰言見百姓謀欲害其已身則申令於宮寢嚴自警守以崇不積之威畜積也言無積德也

懼萬民之不服則嚴刑峻制以賈

古傷心之怨善曰新序曰商

鞅為嚴刑峻法易古三代之制杜預左氏傳注曰賈買也尚書曰民罔不盡傷心

銑曰行嚴刑峻法必取怨

傷亦如以財賈物也賈買也

然後威窮乎震主而怨行乎上下

善曰漢書

蒯通說韓信曰臣聞勇略震主者身危功蓋衆心日侈天下者不賞良曰震懼也言使人主懼也

直氏危機將發而方

五臣本無方

偃仰瞪

直孕

眄謂足以夸世

善曰

毛詩曰或棲遲偃

濟曰魯靈光殿賦曰齊首目以瞪眄

邪視自尊貌夸世謂

笑古人之未工忘

善本作亡

已事之已

拙

翰曰笑古人之道未盡善也而不知已事拙之甚也工善也

知曩勲之可矜暗成

敗之有會

向曰徒知前日之功可以自矜暗成敗之理必有運會也

是以事窮運盡

必於顛仆

音赴仆謂傾倒也

銳曰顛

風起塵合而禍至常酷也

五臣

本無也

善曰答賓戲曰彼皆躡風塵之會履顛沛之勢項岱曰彼謂李斯輩也風發於天以諭君上塵從下

起以諭斯等良曰風起則塵飛聖人忌功名之過已而合暗言禍速應也酷猶烈也

惡寵祿之踰量去蓋為此也濟曰過已謂虛有大名而才不足也踰亦過也量才

量也蓋謂此也者夫惡欲之大端賢愚所共有善曰禮謂顛仆禍酷之事記曰飲

食男女人之大欲存焉死亡貧苦人之大惡存焉故惡欲者心之大端也翰曰人情所惡心有所欲此人之

大端則賢而游子徇善本作徇高位於生前志士思垂名於

身後受生之分唯此而已向曰游子謂游宦之子也徇求也夫蓋世之

業名莫大焉善曰漢書曰項羽歌曰力拔山兮氣蓋世震主之勢位莫盛焉

善曰漢書蒯通說韓信曰臣聞勇略震主者身危功蓋天下者不賞率意無違欲莫順焉

借使伊人頗覽天道知盡不可益盈難久持超然自引

高揖而退

善曰周易曰天道虧盈而益謙毛詩序曰太平之君子能持盈守成司馬遷報任少卿書

曰寧得自引深藏巖穴邪銑曰借假也伊人謂有功之人也言假使功成之人少覽天道知運盡不可更益

也盈滿不可久持也故超然自引而去高揖時人以從退靜可謂美矣則巍巍之盛仰邈

前賢洋洋之風俯冠來籍

良曰巍巍高大兒洋洋美譽也俯冠來籍謂為將來史籍

之首也而大欲不乏於身至樂無愆乎舊濟曰大欲謂冠首也好道德也愆

失節彌效而德彌廣身愈善本作逾逸而名愈劭善曰爾雅注曰劭美

也翰曰劭謂不絕也愈益也此之不為彼之必昧向曰此謂退身然也彼謂貪榮也

後河海之跡埋為窮流一簣之釁

善本作

積成山岳

善曰論語

曰譬如為山未成一簣止吾止也

銑曰河海之大跡

塞之成小流喻功大而為一罪所蔽矣埋塞也窮小也

一簣一籠土也釁罪也言若長惡不

改如一簣之土漸積以成山岳之大名編凶頑之條身

猷荼毒之痛豈不謬哉

善曰毛詩曰人之貪亂寧為荼毒良曰編次也凶頑之條謂

書於史籍有凶頑之名也

故聊賦焉庶使百世少有寤

云

三月三日曲水詩序一首

善曰風俗通曰周禮女正掌歲時祓除疾病穰

者繫也於水上盟繫也已者祉也邪疾已去祈介祉也韓詩曰三月桃花水之時鄭國之

俗三月上巳於溱洧兩水之上執蘭招魂祓
除不祥也續齊諧記曰晉武帝問尚書摯虞
曰三月初生三女至三日而俱亡一村以
肇以三月初生三女至三日而俱亡一村以
為怪乃招搗至水濱盥洗遂因水以泛觴曲
水之義起於此帝曰若所談非好事尚書郎
束皙曰仲治小生不足以知臣請說其始昔
周公成洛邑因流水以泛酒故逸詩曰羽觴
隨流波又秦昭王三日置酒河曲見有金人
出奉水心劍曰令君制有西夏乃因其處立
為曲水二漢相沿皆為盛集帝曰善賜金五
十斤左遷仲治為陽城令裴子野宋略曰文
帝元嘉十一年三月丙申中使飲於樂遊苑且
祖道江夏王義恭衡陽王義季有詔會者咸
作詩詔太子中庶
子顏延年作序

顏延年

翰曰鄭國之俗三月上巳之日於溱洧兩水之上執蘭招魂祓除不祥上巳即

三日也曲水者引水環曲為渠以流酒盃而行焉是時宋文帝元嘉十一年三月三日飲

于樂游苑且祖道江夏王義恭衡陽王義季命延年為序也

夫方策既載皇王之迹已殊鐘石畢陳舞詠之情不一

善曰禮記哀公問政子曰文武之政布在方策春秋說題辭曰尚書者二帝之迹三王之義所推期運明受命

之際郭象莊子注曰皇王殊迹隨世為名漢書曰石曰磬金曰鐘毛詩序曰詠歌之不足不知手之舞之向

曰方策今之史書也鐘石樂器也畢陳謂奏之也舞謂手舞詠歌詠也皆帝王宴樂也雖淵流遂

往詳略異聞善曰上林賦曰恐後代靡麗遂往而不反春秋序曰史有文質辭有詳略銑曰淵

流本源也詳略論說也言帝王之道皆有音樂宴會然雖因時權變源流遂往而論說其道者所聞不同

其宅天衷立民極莫不崇尚其道神明其位善曰東京賦曰豈如

宅中而圖大呂氏春秋曰古之王者擇天之中而立國擇國之中而立宮周禮曰設官分職以為民極周易曰聖人以神明其德良曰宅居衷心也極本也言天子居天心立人本莫不崇高宴樂之道以敬守其位也神明敬拓土世貽統固萬葉而為量者也五臣本無也字

明敬也

拓土

世貽統固萬葉而為量者也

善曰魏志高

堂隆上疏曰拓跡垂統必俟聖賢晉中興書詔桓玄曰蕃衛王家垂固萬葉濟曰拓廣也貽遺統緒也葉代

也量大也言廣世業以遺後有宋函夏帝圖弘遠善曰揚雄

緒使堅萬而成乎大道也河東賦曰函夏之大漢書服虔曰函夏諸夏也孝經鉤命決曰丘乃授帝圖撮秘文翰曰函夏中國也言有

宋庵居中國也弘大也

高祖以聖武定鼎規同造物

善曰宋高祖也左氏傳王

孫滿謂楚子曰成王定鼎于郊

鄒莊子孔子曰夫造物者為人司馬彪曰造物者為道向曰定鼎猶定天下

也大道造化萬物以得其所

皇上以歡文承歷景屬宸

居

善曰皇上宋文帝也尚書曰濬哲文明又曰天之歷數在爾躬光景連屬也典引曰高光二聖宸居其域

蔡邕曰如北辰居其所而衆星拱之

銑曰皇上謂文帝也歡聖景明屬繼也宸居帝位也言文帝以聖文之

德以承歷數明

隆周之卜既永宗漢之兆在焉

善曰揚雄河東

賦曰朕隆周之大寧左氏傳王孫滿曰成王定鼎於郊

鄒卜世三十卜年七百良曰周室既興卜年七百漢丞

相陳平等共誅諸呂使迎代王立之文紀曰王卜得大橫占曰大橫庚庚余為天王遂即位為文帝也宋為漢

後故云宗漢言宋正體毓德於少陽王宰宣哲於元輔

善曰正體太子也喪服傳曰父為長子三年傳曰何以

三年長子正體於上周易曰蠱君子以振民育德少陽

東宮也鄭玄禮記注曰東郊少陽諸侯象也王宰謂王

為宰輔毛詩曰宣哲維人文武惟后班固涿邪山文曰

曉曉將軍大漢元輔濟曰正體謂太子承繼天子之

體以育德於東宮也東宮曰少陽也王宰宰相也哲智

也元君也言宰相之臣宣

智力於君以為輔佐也

日影也緯五星也易乾鑿度曰五緯順軌四時和栗山

五嶽也瀆四瀆也效靈山出器車瀆出圖書之類

曰畧日緯星也昭應謂明而不錯亂也山謂五岳瀆謂

四瀆也效呈也言五岳四瀆呈其神靈以示我福也

五方雜遝

徒四隩於來暨善曰漢書曰京師五方雜錯尚書曰九州攸同四隩既宅

吳都賦曰都葦殷而四隩來暨向曰五方四方中選國也雜選人物殷衆也四隩四方蠻夷也暨至也

賢建戚則擇之於茂典施命發號必酌之於故實善曰左氏

傳士會曰楚君之舉也內姓選於親外姓選於舊又曰薦教為宰擇楚國之令典尚書穆王曰發號施令罔有

不臧毛詩序曰能酌先祖之道以養天下國語楚穆仲謂宣王曰魯侯賦事行刑必問於遺訓而資於故實

銑曰建立戚親茂美典則也言選賢才以居職立親戚以為公侯則擇其美行可法則者施命謂行命也酌取

也故實先王之道也大子協樂上庠肆教善曰東觀漢記孝明詔曰正大樂官曰大子樂

官禮記曰有虞氏養國老於上庠良曰章程明密品大子樂名協和也上庠儒學也肆行也

式周備善曰漢書曰高祖命張蒼定章程謝承後漢書曰魏郎為河內太守明密法令漢書曰宣帝桓

機周密品式備具
曰品品秩也式猶法也

濟

國容眡令而動軍政象物而具

善曰司馬法曰國容不入軍軍容不入國左氏傳曰士會曰為教為宰百官象物而動軍政不戒而備
翰曰國容百官上下之義也眡令謂觀號
箴闕記言校文講令也象物謂象熊羆虎豹之威猛也

藝之官采遺於內輶車朱軒懷荒振遠之使諭德于外

善曰左氏傳魏絳曰昔周辛甲之為太史也命百官箴王闕禮記曰言則左史書之西都賓曰啟發篇章校理秘文講論于六藝稽合於同異揚雄荅劉歆書曰常聞先代輶軒之使風俗通曰周秦常以八月輶軒使採異代方言辨亡論曰輶軒騁於南荒尚書大傳曰未命為士不得朱軒西征賦曰銜命則蘇屬國震遠則張博望向曰箴戒也言太史之官作戒以戒天子百官之闕失也天子所言則左史書記之校文講藝之官謂儒學

之職采遺謂采拾遺闕之事 銑曰輜車朱軒使者之車也言使臣能來遠荒之國以為王臣振起王化於遠方之人也 諭德 賴莖素毳 銳并柯共穗之瑞史不絕書 諭大子之德也

棧山航海踰沙軼

余日

漠之貢府無虛月

善曰左氏傳晉司馬叔侯曰魯

之於晉也職貢不乏史不絕書府無虛月如是可矣揚雄交州箴曰航海三萬束牽其犀 良曰賴莖朱草也素毳白虎也并柯連理木也共穗嘉禾也皆太平之瑞也言於國史上書之不絕言常有之 濟曰言遠方之

國山作棧道海濟舟航踰度沙漠 列燧千城通驛萬里來貢土物府庫之內每月無絕也

翰曰燧烽火也 干城言郡縣多也

穹居之君內首稟朔并服之首廻面

受吏

善曰魏都賦曰思稟正朔尚書曰島夷卉服劇秦美新曰海外遐方迴首內嚮漢書曰叩竿之君長

欲願為內臣妄請吏北面 向曰穹居之君匈奴也卉
服之首南蠻也內首迴面皆賓服為臣也稟朔稟正朔
也受吏謂受 是以異人慕響俊民間出 善曰班固漢書
郡縣之化 贊曰羣士響慕

異人並出尚書曰俊民用章漢書曰漢
興詩書往往間出 銑曰慕響慕德音也 警蹕清夷表裏

悅穆 善曰仲長子昌言曰姦慝既弭警蹕清夷 良曰
天子出入曰警蹕夷平也表裏內外也穆和也

將徙縣中宇張樂岱郊 善曰言將徙都洛邑封禪泰山
也莊子曰北門成問於黃帝曰

帝張咸池之樂於洞庭之野 濟曰宋居江東故將欲
移都於中國也縣都也中宇中國也張用也岱山也郊

南郊也將欲用樂 增類帝之宮 五臣註
祭岱山拜南郊也 作壇 飭禮神之館塗

歌邑誦以望屬車之塵者久矣 善曰禮記曰天子將出
征類于上帝類祭也西

都賦曰禮神祇懷百靈司馬相如諫獵曰犯屬車之清塵翰曰天子行有屬車三十六乘以從於後也望屬

車者望天子來也日躔直胃維月軌青陸善曰漢書曰

塵者車行之塵也日躔直胃維月軌青陸善曰漢書曰

之紀韋昭曰躔處也王仲宣思征賦曰在建安之二八星步次於箕維漢書天文志日月順入軌道河圖帝覽

嬉曰立春春分月從東赤道杜預左氏傳注曰陸道也向曰此始謂三月之時也躔次也胃星名維畔也月

今云季春之月日在胃也言日次胃星之軌行畔也青陸東道也言立春春分月從東道也言月行於此也

皇祇發生之始后王布和之辰善曰皇天神也祇地神也周禮曰

神地祇之禮曹植九詠曰皇祇降兮潛靈舞爾雅曰春為發生禮記曰后王命冢宰降德于衆兆民又曰孟春

之月命相布德和令銑曰皇祇天地也言春時是天

地發生萬物之時君王布政惠和之日也后君也辰日

也思對上靈之心以惠庶萌

五臣本作氓

之願加以二王于

邁出錢戒告

善曰二王已見上注毛詩曰從公于邁韓詩章句曰送行飲酒曰餞燕禮曰小臣戒

盟者鄭玄曰君以宴禮勞使臣則警戒告語焉

良曰

言天子思答上天之心以惠衆人之望乃加以江夏衡

陽二王于行出蕃使布化行惠於百姓也天子乃與羣

臣出餞戒告以勸職業也上靈上天也庶氓衆人也願

望也邁

有詔掌故爰命司歷

善曰封禪書曰宜命掌故左氏傳仲尼曰今火猶西

行也

流司歷過也

濟曰掌故掌知故事者司歷知時歷之官也

獻洛飲之禮具上已之

儀

善曰洛飲上已並已見上注

南除輦道北清禁林

善曰

上林賦曰輦道輓屬西都賦曰集禁林而屯聚向曰除掃除也輦道天子行之道也禁林苑也

左闕

巖

鄧

右梁潮源略亭臯跨芝廬苑太液懷曾山

善曰難西

蜀父老曰闕沫若梁孫原穆天子傳曰天子東升于三道澄洛神賦曰稅駕乎衡臯秣駟乎芝田漢書有太液

池銑曰闕據也澄阪也梁橋也言潮水之上作橋良曰亭臯謂野作亭也上林賦云亭臯千里言此所游

之處陵略於上林之大也芝廬芝田也洛陽地名言亦將跨越之也漢武帝太液池中有高山言我今以彼池

為苑包懷其高山也

松石峻堦

古

蔥翠陰煙游泳之所攢

在

萃翔

驟之所往還於是離宮設衛別殿周徼

音叫

善曰西

觀三十六

所周以鉤陳之位衛以嚴更之署周廬千列微道綺錯濟曰峻堦高峻也蔥翠青色也陰煙山中

氣也翰曰游泳魚龍也攢萃集聚也翔驟鳥獸也向曰離宮天子出游之宮設衛宿衛也徼循也言周徼於

山水之間也

旌門洞立延帷接杪

五臣本作杪字音牙善曰周禮曰王之會同為帷

宮設旌門揚雄蜀都賦曰延帷揚幕接帳連岡又周禮曰王之會同之舍設楹杪再重杜子春曰楹杪行馬也

立之銑曰旌門以旗為門洞通也言各相對迴行而

閱水

環階引池分席

善曰歎逝賦曰閱水以成川良曰閱流也環繞也分席謂水分流各至席坐

之所謂流杯池也

春官聯事蒼靈奉塗然後升秘駕脣緹徒騎

搖玉鑾發流吹

善曰言春官聯事以供職蒼靈奉塗以衛行也周禮有春官宗伯又曰以官府

之六聯合邦治三曰賓客之聯事蒼靈青帝也尚書帝命驗曰帝者承天立五府蒼曰靈府鄭玄曰蒼帝靈威仰之府續漢書曰緹騎二百人屬執金吾楚辭曰鳴玉驚之啾啾兮淮南子曰龍舟鷁首浮吹以虞濟曰春

官字禮之官聯事謂上下聯事也游之禮也蒼靈謂春
初句芒也奉塗謂前驅以清道輪曰祕駕天子馬也

肩引也緹騎金吾騎兵也王鑾天子法駕也流吹笳蕭之類也天動神移淵旋五臣本作放

雲被以降于行所禮也善曰羽獵賦曰天動地岷淮南子曰天子以天下為家自謂所居為行在所向既而帝

曰此皆衆士百官行從多貌行所即游所也

暉臨幄百司定列鳳盖俄軫虹旗委旆善曰俄軫委旆不行也東都主

人曰鳳盖琴纓楚辭曰回朕車俾西引寥虹旗於玉門
銑曰帝暉天子也臨幄坐於帳也軫停也委安也

肴蕝速芬藉觴醪亦泛浮善曰毛詩曰其肴維何魚鼈鮮魚其蕝維何維荀及蒲鄭

玄禮記注曰醪旨酒也良曰魚肉曰肴菜蔬
曰蕝芬香也藉多也觴醪酒也泛浮言多也妍歌妙

舞之容銜組樹羽之器

善曰古妍歌篇曰妍歌展妙聲發曲吐令辭邊讓章華賦曰妙

舞麗於陽阿阮謀三禮圖曰筍簾兩頭並為龍以銜組曹植九詠曰雲龍兮銜組流羽兮交橫毛詩曰設業設簾崇牙樹羽 翰曰鐘磬之格兩頭並刻為龍頭以銜絛組又樹以羽毛為幢者皆樂器也 三奏四

上之調六莖九成之曲競氣繁聲合變爭節

善曰韓子曰師曠奏

清微一奏有玄鶴二八來集再奏而列三奏延頸而鳴據翼而舞馬融琴賦曰師曠三奏而神物下楚辭曰四上競氣極聲變王逸曰四上謂代奏鄭衛也漢書曰顯項作六莖尚書曰蕭韶九成鳳皇來儀 向曰四上六莖九成皆曲名 龍文飾轡青翰侍御 善曰班固西域傳也餘同善注 龍文馬名青翰舟名御泛也 言汗血之馬也說苑莊辛謂襄城君曰鄢君乘青翰之舟汎新波之中 濟曰龍文馬名青翰舟名御泛也

華裔殷至觀聽驚集揚袂風山舉袖陰澤靚靜裝藻野

袂服縹川

善曰籍田賦曰居靡都鄙民無華裔蜀都賦曰觀聽之所踊躍法言曰雷震于天風薄于

山上林賦曰靚粧刻飾鄒陽上書曰袂服叢臺之下者一旦成市說文曰縹繁彩色也銑曰華裔內外也殷

盛也驚奔也言侍從衆揚其衣袂動山上草木如風吹山也舉袖則蔽川澤乃成其陰矣靚裝美人脂粉之色

袂服美麗之衣也言美人裝服映其故以殷隱賑軫外川野成其文藻雜色也縹雜色也

區煥衍都內

五臣本作會

者矣

善曰西京賦曰鄉邑殷賑張載劔閣銘曰矧茲狹隘王之

外區王粲羽獵賦曰叢華雜沓煥衍陸離上應萬壽下良曰殷賑富有兒區方也煥衍多溢兒

禔氏百福

善曰毛詩曰報以介福萬壽無疆司馬相如難蜀文曰中外禔福毛詩曰卜爾百福翰

曰膺市筵稟和闔堂依德良曰筵席也稟受也闔滿也

當也言羣臣市席滿堂皆受天子

和平之樂依天情盤景遽歡洽日斜銳曰盤樂也景亦

子仁惠之德也也

也金駕揔駟聖儀載佇向曰金駕天子車也揔駟謂聚

也載佇謂盤桓未

去尚惜此宴也悵釣臺之未臨慨鄴宮之不縣善曰

傳曰楚子合諸侯於申椒舉言於楚子曰夏啟有釣臺左氏

之享康王有鄴宮之朝濟曰悵慨並歎也釣臺夏啟

會饗諸侯之所也在洛陽鄴宮周康王朝諸侯之宮也

在長安縣謂縣鐘磬之格朝諸侯則設以樂也縣懸也

此蓋歎未至中

國之兩京也

方且排鳳闕以高游開爵園而廣宴善

關中記曰建章圓闕臨北道銅鳳在上故號鳳闕鄴中

記曰銅爵臺西有爵園翰曰鳳闕闕名爵園鄴都園

文選

十七

名言志欲平中原以為宴也

並命在位展詩發

五臣本作登

志則夫誦美

有章陳信無愧者歟

善曰楚辭曰展詩兮會舞王逸曰展舒也周易曰有孚發若信以發

志也毛詩序曰頌者美盛德之形容向曰楚子木問趙孟云范武子德何如對曰其祝史陳信於鬼神無愧辭也言其敬鬼神而不虛也言今天子仁明頌美德亦無愧也

三月三日曲水詩序一首

王元長

善曰蕭子顯齊書曰武帝永明九年三月三日幸芳林園禊飲朝臣勅王融為

序文藻富麗當代稱之

臣聞出豫為象鈞天之樂張焉

善曰史記曰趙簡子病二日而寤曰我之帝所

甚樂與百神遊于鈞天廣樂九奏萬舞莊子曰北門成問於黃帝曰帝張咸池之樂於洞庭之野良曰易豫卦云先王以作樂崇德象則時乘既位御氣之駕翔焉易象也鈞天乃天帝樂也

善曰莊子曰乘天地之正而御六氣之辯穆天子傳曰天子命駕八駿之乘遊東南翔行馳千里郭璞曰行如飛翔也濟曰易乾卦云時乘六龍以御天也既位謂飛龍喻天子得位也御氣則御行於元氣中也駕則龍也是以得一奉宸逍遙襄城之域善曰老子曰王侯得一而天下正尚書曰

惟辟奉天宸與辰同典引曰高光二聖宸居其域蔡邕曰如北辰居其所而衆星拱之莊子曰黃帝將見大隗于具茨之山至襄城之野輪曰宸天也言得純一之正道以奉天謂黃帝也言黃帝問道至于襄城之野也逍遙游貌體元則大張望姑射亦之阿然昏鳥眇寂寥城野也

其獨適者已

五臣本作也

善曰東都主人曰體元立

之

向曰元善也體善則大謂堯也堯出游見四子於

姑射之山杳然喪其天下謂得道也阿山也

銑曰言

黃帝及堯皆求道深遠虛無蓋其自善者也非與下同之也杳眇深遠也寂寥虛無也適善也

至如夏

后兩龍載驅璿臺之上穆滿八駿如舞瑤水之陰亦有

饗云固不與萬民

五臣本作人

共也

善曰山海經曰大樂之野夏后啟於此舞九代

樂乘兩龍毛詩曰

載馳載驅周爰咨諏易歸藏曰昔者

夏后啟筮享神於

晉之虛作為璿臺於水之陽列子曰

周穆王遠遊命駕

八駿之乘驂騶綠耳赤驥白儀渠黃

踰輪盜驪山子

張湛曰儀古義字又穆天子傳曰天子

北升太山之上

以望四野乙丑天子觴西王母於瑤池

之上毛詩曰執轡

知組兩驂如舞孟子曰今王田獵於

此百姓聞王車馬之音羽毛之美父子不相見兄弟妻

子離散此無佗不與民同樂也

良曰夏后帝啟也有

馬號為兩龍乘游於瑤臺之上以饗諸侯百官也瑤臺

臺名穆滿周穆王也言乘八駿之馬以游行天下也如

舞謂馬行兒瑤水瑤池也言穆王游於崑崙山見西王

母與宴于瑤池之上也言此二主有宴饗則又不與天

下萬人共樂也我大齊之握機創厯誕命建家接禮貳宮考庸

太室

善曰蕭子顯齊書曰齊太祖高皇帝諱道成字紹伯受宋禪尚書曰我文考文王誕膺天命又曰永

建乃家孟子曰舜尚見帝帝館甥於貳室亦饗舜迷為
賓主是天子而友匹夫也趙岐曰尚上也舜在畎畝之
時堯友禮之舜上見堯舍之於副宮堯亦就饗舜之所
設更為賓主尚書大傳曰維十有五祀舜為賓客禹為
主人樂正進贊曰尚考太室之義唐為虞賓鄭玄曰舜
既使禹攝天下之事於祭祀避之居賓客之位獻酒則

為亞獻尚考猶言往時也太室明堂之中央室也義當為儀儀禮儀也謂祭太室之禮堯為舜賓也濟曰握

機執天下之柄也創厯改正朔也誕大建立也翰曰貳宮天子接禮賢人之所也庸用也太室明堂也言考

用才能於明幽明獻期雷風通饗昭華之珍既徙延喜堂之宮也

之玉攸歸善曰曾子夫子曰天道曰圓地道曰方方曰幽圓曰明禮記曰幽則有鬼神太公伏符陰

謀曰武王伐紂四海神河伯皆曰天伐殷立周謹來受命願獻時雨論語識曰仲尼云吾聞堯率舜等遊首山

觀河渚一老曰河圖將來告帝期尚書曰納于大麓烈風雷雨不迷尚書大傳曰舜將禪禹八風猶通又曰堯

得舜推而尊之贈以昭華之玉尚書旋璣玉鈴曰玄圭出刻曰延喜之玉向曰幽明獻期祥瑞見也雷風通

饗陰陽和也銑曰舜時西王母獻昭華玉天錫禹革玄珪刻曰延喜之玉言此二寶徙歸于齊也攸所也革

宋受天保生萬國度

時洛

邑靜鹿丘之歎遷鼎息大垆

古

之慙

善曰周書武王曰膺受大命革殷受天明命又曰我聞古商先王成湯保生商人又度邑篇曰維王

克殷乃永歎曰嗚呼不淑充天之對自鹿至于丘中具明不寢帝王世紀曰湯即天子位遂遷九鼎于亳至大

垆而有慙德周書丘或為苑良曰齊改宋歷數而受天命以為天子也濟曰度邑謂卜度邑都也言武王

克殷將度邑自鹿丘而歎耻者以臣伐君之名也成湯即天子位遷遷九鼎于亳都至大垆而有慙德亦謂以臣伐君也鹿丘大垆並地名言齊受宋禪讓之位而無慙歎之事靜息皆猶無也

紹清和於帝

猷聯顯懿於王表

善曰言以清和之德繼於大道揚子雲劇秦美新曰鏡淳粹之至精聯清

和之正聲蔡邕月令論曰出北闔視帝猷法言曰昔在有熊高辛唐虞三代咸有顯懿故天因而瑞之為神明

主河圖曰成帝德者克開王表者禹翰曰紹繼也猷道也懿美也表外也言能繼清和之德於五帝之道連

明美之理於駿發聞其遠祥定爾固其洪業善曰毛詩三王之外

商長發其祥又曰駿發爾私劇秦美新曰制作六經洪業向曰駿疾也言齊帝之德疾發聞於天下故能開

遠方之祥瑞也詩云天保定爾亦孔皇帝善曰蕭子顯之固謂安定之道堅固其大業也齊書紀曰世

祖武皇帝諱贍字宣遠以太體膺上聖運鍾下武善曰子即位銑曰齊武帝也

曰上聖立為天子其次立為三公毛詩序曰下武嗣文也良曰膺當也鍾聚也下武謂文王之下武王繼之

言武帝能繼先業亦如武王冠五行之秀氣邁三代之繼文王之道故云運聚下武

英風善曰禮記曰人者五行之秀又孔子曰大道之行也三代之英丘未之逮而有三志焉濟曰五行水

火盆木土也邁過也三代夏殷周也

昭章雲漢暉麗日月

善曰毛詩曰倬彼雲漢為章于

天譬猶天子為法度於天下也周易曰聖人與日月合其明

翰曰昭章雲漢喻文德也日月喻明也

牢

籠天地彈壓山川

善曰淮南子曰帝者體太一牢籠天地彈壓山川向曰彈壓猶蹴蹋也

設神理以景俗敷文化以柔遠

善曰神理猶神道也周易曰聖人以神道設教

而天下服劉義恭丹徒宮集曰昭化景俗玄教凝神廣雅曰景昭也尚書曰帝乃誕敷文德錄圖曰女聞偃兵建文化尚書曰柔遠能通

銑曰景光敷布柔安也

澤普記

五臣本作泛

而無私法含

弘而不殺

善曰淮南子曰覆露昭通普記而無私周易曰含弘光大品物咸亨又曰古之聰明睿智

神武而不殺者夫潛夫論曰簡刑薄威不殺不誅此德之上也

猶且具明

廢寢晁晷忘餐

善曰此詳鹿丘之歎注尚書曰文王自朝至于日中晁不遑暇食濟曰具及

也言自夜及明不寢以憂國政

念負重於春冰懷御奔於秋駕

善曰鄧析子曰

明君之御民若乘奔而無轡履冰而負重也尚書曰若蹈虎尾涉於春冰莊子曰尹儒學御三年而無所得夜

夢受秋駕明日往朝師師曰今將教子以秋駕

翰曰

明君之治人若負重而履冰恐不勝其重懼見陷於冰

若御奔馬於秋駕恐有覆敗也秋駕天子法駕也

可謂巍巍弗與蕩蕩誰名

善曰

論語子曰巍巍乎舜禹之有天下而不與焉又曰大哉堯之為君蕩蕩乎民無能名焉良曰巍巍高大之兒

蕩蕩廣遠之稱言高大廣遠之德人不可與之比也人誰能名焉

秉靈圖而非泰涉孟

門其何險

善曰春秋漢舍孽曰天子南面秉圖書成公綏大河賦曰靈圖授錄於羲皇孟子曰如其

道舜受堯之天下不以為泰呂氏春秋曰舜修德而苗服孔子聞之曰通乎德之情則孟門太行不為險矣

向曰秉執也靈圖天子位也言不以天子之位為泰者蓋憂天下也言濟天下之難雖如孟門太行亦不以為

險志憂人也孟門山名也儲后睿哲在躬妙善居質善曰蕭子顯齊書曰世祖立皇

太子長懋漢書疏廣曰太子國儲副君尚書曰睿作聖明作哲禮記曰清明在躬桓子新論曰聖賢之材不世

而妙善之技不傳銑曰儲后內積和順外發英華斧藻至德琢磨令範善曰禮記曰和順積中而英華外發

法言曰吾未見斧藻其德若斧藻其

案者應劭漢官儀曰太子太傅日就月將琢磨玉質言太子有玉之質琢磨以道也良曰斧藻謂脩飾也令

善範言炳丹青道潤金璧善曰法言或問聖人之言炳法也若丹青有諸曰丹青初則炳

久則渝渝乎哉淮南子曰夫道潤乎草木浸乎金石毛詩曰如金如錫如珪如璧濟曰言炳冊青文也道潤

金壁也出龍樓而問豎入虎闥而齒胄善曰漢書成紀曰上嘗召太子出龍

樓門周禮曰師氏以三德教國子居虎門之左蔡邕明堂月令論曰周官有闥門之學禮記曰行一物而三善

皆得者唯世子而已其齒於學之謂也尚書曰夔典樂教胄子翰曰龍樓漢太子門名也問豎謂文王為太

子至寢門外朝於王季問於內豎又曰今日安否如何虎闥教國子之學所也公卿之子為胄子言太子入學

以年大小為次不以天子之子為上故云齒胄齒年也愛敬盡於一人光耀究於

四海善曰孝經曰愛敬盡於事親毛詩曰夙夜匪懈以事一人呂氏春秋曰愛敬盡於事親光耀加於百

姓究於四海此天子之孝也若夫族茂麟趾宗固磐石向曰一人天子也究盡也

跨踞

展女

昌姬韜軼炎漢

善曰毛詩曰麟之趾振振公子

制所謂磐石之宗春秋錄圖曰蒼精萌姬稷之後昌東

觀漢記序曰漢以炎精布耀或幽而光銑曰茂盛也

麟趾詩篇名美公族之盛也磐石大石也言宗族堅固

如大石不可轉易也跨越也昌姬謂文王也韜藏軼過

也言齊帝之德踰越踞於文王懷元宰比肩於尚父

藏超過於炎漢也漢火德故稱炎也

中鉉繼踵乎周南分陝流勿翦之勸來仕允克施之譽

善曰元宰冢宰也中鉉司徒也說苑晏子謂楚王曰齊

之臨淄比肩繼踵毛詩曰惟師尚父周易曰鼎金鉉鄭

玄曰金鉉喻明道能舉君之官職也鄭玄尚書注曰鼎

三公象也毛詩序曰周南言化自北而南故繫之周公

公羊傳曰自陝以西召公主之國語曰秦后太子來仕

其車于乘韋昭曰來仕於晉也班固漢書貢禹贊曰禹

既黃髮以德來仕尚書曰君陳克施有政良曰元宰
謂宰相也言宰相之德與太公比肩也鉉鼎耳也以黃
金為之黃色為中故言中此三公位也踵跡也周南周
公也濟曰周公召公公陝界而治人皆歡悅故詩云
蔽芾甘棠勿剪勿伐召伯所茇也允信也克能也言
來仕宦信能當施惠之譽矣言皆用人得賢才也莫

不如珪如璋令問令望朱芾斯皇室家君王者也

善曰

毛詩曰如珪如璋令問令望又曰朱芾斯皇室家君王
翰曰珪璋玉名喻賢才也令善也朱芾官之服飾也

皇大也室家猶親密也言為本支之盛如此稽古之政

如彼善曰毛詩曰文王孫子本支百世尚書曰若稽古帝堯用能免羣

生於湯火納百姓於休和草萊樂業守屏稱事

善曰史記曰文

帝時會天下新去湯火人人樂業左氏傳君子曰一人刑善百姓休和莊子曰農夫無草萊之事則不比禮記諸侯曰某土之守臣其在邊邑曰某屏尸子曰能官者必稱事銑曰湯火謂禍亂也休和謂禍亂已平兵戈不用故致之使休息和平也草萊謂山野採樵之人也守屏謂州牧也

引鏡皆明目臨池

無洗耳

善曰燕周考史曰公孫述竊位於蜀蜀人任永乃託目盲及述誅永澡盥引鏡自照曰時清目

明皇甫謐高士傳曰堯致天下讓許由巢父聞之以為汙乃臨池水而洗耳良同善注言今時清故人皆明目也無洗耳言今

沈冥之怨既缺適

苦軸之疾已消

善曰

漢書曰蜀嚴沉冥侯巴曰嚴君平常病不仕沉冥而死亦絮矣毛詩曰考盤在陸碩人之軸考盤在阿碩人之適毛萇曰軸病也謂賢人隱居而離困病也興廉舉濟曰沉冥適軸皆疾病也缺消謂疾病盡除也

孝歲貢

善本作時

於外府署行議年日夕于中甸

善曰漢書曰詔

執事興廉舉孝又詔曰有懿稱明德者遣詣相國府署行議年蘇林曰行狀年紀也尚書曰五百里甸服

曰言舉孝廉賢才每歲貢自州郡也外府州郡也署考也考吏行之殿最議年穀之豐儉而奏於天子使朝夕

盈于畿甸協律揔章之司序倫正俗

善曰漢書曰李延年中也

志曰明帝立揔章觀荀氏傳曰為光祿大夫奏以為魏杜夔所制律呂檢校大樂揔章鼓吹八音與律呂乖毛詩序曰先王以是厚人倫美教化移風俗風俗通曰為政之要辨風正俗最其上也向曰協律樂官揔章

禮官也倫次也言各崇文成均之職道德齊禮

善曰魏志曰明

帝置崇文觀徵善文者以充之周禮曰大司樂掌成均之法以教建國之學校而合國之子弟焉論語子曰道

之以德齊之以禮 銑曰崇文成均文
學官也言理道德之本齊禮樂之先

挈壺宣夜辨氣

朔於靈臺書笏珥彤紀言事於仙室

善曰周禮夏官曰
挈壺氏掌懸壺蔡

邕天文志曰言天體者有三家其一曰宣夜鄭玄毛詩
箋曰天子有靈臺者所以觀祲象察氣之妖祥左氏傳
曰公既視朔遂登觀臺以望而書雲物禮記曰造受命
於君則書於笏潘岳賈武公誄曰惟帝以公通揚祖宗
延登東序服袞珥彤史記曰秦文公初有史以紀事禮
記曰動則左史書之華嶠後漢書曰學者稱東觀為老
氏藏室道家蓬萊今故言仙室 良曰挈壺氏掌刻漏
之官知晝夜日月氣候之事朔月初也靈臺觀懸象之
所也執笏者所以書記事也珥執也彤赤管 褰帷斷裳
筆也皆史臣所以書記君言也仙室館名也 褰帷斷裳

危冠空履之吏

善曰漢書曰蓋寬饒初拜為司馬未出
殿斷其單衣令短離地說苑曰楚人長

劍危冠而有子西漢書曰唐遵以明經飾行顯名於世
衣敝履穿餘同銑注銑曰後漢賈琮為冀州刺史車

垂赤帷而行及至州自言曰刺史當遠視廣聽何反垂
惟於車以自掩蔽乃命御者褰去其帷朱博為琅邪太
守俗多舒緩衣長不中節度皆斷其衣裳令去地三寸
以便於事危冠壞冠也空後敝履也言其吏清廉而貧
也
彰搖武猛扛鼎揭渠旗之士善曰漢書曰霍去病每

為嫖姚校尉華嶠後漢書曰丁白為武猛校尉法言曰
或問力能扛鴻鼎揭華旗知德亦有之乎百人也良
曰彰搖輕便見勤恤民隱糾士王士慝士德反善曰
扛揭皆舉也

曰勤恤民隱而除其害左氏傳曰王謂晉文公曰以綏
四方糾王慝翰曰恤憂隱痛逃達王大慝惡也言
憂勤天下人之所痛射集隼於高墉繳之若大風於長隧
糾察風俗遠大惡也

不仁者遠惟道斯行

善曰周易曰公用射隼于高墉之上毛詩曰大風有隧論語子夏曰

舜有天下選於衆舉皋陶不仁者遠矣禮記曰大道之行也濟曰隼鷙鳥也以喻凶人也墉牆也喻人所居

也言射此鳥於高牆之上喻除凶人於平人之間也堯時大風為害堯使羿繳之於清丘之澤大風風伯繳射

也隨隨

讒莠蔑聞攘爭掩息

善曰毛詩曰好言自口尚書曰無敢寇攘言自口尚書曰無敢寇攘

翰曰讒譖之人在朝如苗之有莠言此事於齊朝亦無聞也蔑無也攘爭謂攘臂而爭訟也掩息言無也

稀鳴桴

伏流

於砥路鞠茂草於園扉

善曰說文曰桴鼓柝也漢書曰張敖為京

兆尹桴鼓稀鳴市無偷盜毛詩曰周道如砥其直如矢又曰蹶蹶周道鞠為茂草周禮曰以園土教罷民向

曰桴擊鼓杖也鼓所以鳴於路者蓋為盜發而擊之也今稀鳴謂少盜賊也砥平也鞠養也茂盛也園扉獄也

言時無犯罪者獄皆久
空故養盛草於獄中

耆年闕市井之游

善曰史記太史公曰文帝

時百姓遂安自年六七十翁未嘗至市井遊遨嬉戲如
小兒狀 銑曰耆年老人也漢孝文之治至和平老人

不游市井也

稚齒豐車馬之好宮隣昭泰荒憬

九永切

清夷

善曰

閒居賦曰昆弟班白兒童稚齒應劭漢官儀曰不制之
臣相與比周比周者宮鄰金虎宮隣金虎者言小人在
位比周相進與君為隣堅若金護言人惡若虎毛詩曰
憬彼淮夷來獻其琛仲長子昌言曰警蹕清夷 濟曰
稚齒小子也年五歲有鳩車之樂七歲有竹馬之歡皆
謂得其天性也 翰曰宮居隣近憬遠夷平也言天子
之道居近昭泰之治荒遠
之國感盛德而清平也 侮食來王左言入侍離身反

踵之君髻

側麻

首貫冑之長屈膝厥角請受纓縻

善曰漢書匈奴

傳曰壯者食肥美老者食其餘貴壯健賤老弱也古本作晦食周書曰東越侮食尚書曰四夷來王揚雄蜀王本紀曰蜀之先名曰蓋叢柏澁魚鳧開明是時人民椎髻左言漢書曰南越王太子嬰齊入侍周書曰離身染齒之國以龍角神龜為獻爾雅曰北方有比肩人馬迭食而迭望郭璞曰此即半體之人人各有一目一鼻孔一臂一脚亦猶魚鼠之相合爾呂氏春秋曰舜登為天子大人反踵皆被其澤高誘淮南子注曰反踵國名其人南行迹北向也淮南子曰三苗壘首山海經曰有貫胷國其人胷有竅括地圖曰禹平天下會于會稽之野又南經防風之神弩射之有迅雷二神恐以刃自貫其心禹哀之乃拔刃療以不死之草皆生是為貫胷之民喻巴蜀文又交臂受事屈膝請和孟子曰武王之伐殷百姓若崩厥角趙岐曰厥角叩頭以頤角犀擗地也漢書終軍曰願受長纆必羈南越王致之闕下難蜀父老曰蓋聞天子之牧夷狄也其義羈縻勿絕而已向曰

侮食左言蠻夷國也

銑曰離身反踵髻首貫胃四海

國名屈膝拜也厥角叩頭也纓縻皆係也言請受國家

拘係以輸

文鉞碧砮之琛奇幹

五臣作翰

善芳之賦

善曰文鉞未詳

一曰鉞當為錢杜篤展武論曰文鉞水震鄉風仰流徐

廣晉紀曰鮮卑以碧石為寶王沉魏書曰東夷矢用楷

青石為鏃孔安國尚書傳曰砮中矢鏃也家語孔子曰

昔武王克商於是肅慎氏貢楷矢石砮其長尺有咫周

書曰成王時貢奇幹善芳者頭若雄雞佩之令人不昧

孔晁曰奇幹亦北狄善芳者鳥名不昧不忘也良曰

善芳遠國異鳥名餘

皆遠方物之寶也

紉牛露犬之玩乘黃茲白之駟

善曰周書曰卜廬國獻紉牛紉牛小牛也又曰渠搜獻獬犬

獬犬露犬也能飛食虎豹又曰白民乘黃乘黃者似狐

其背有兩角又曰西方正北曰義渠獻茲白茲白者若

馬鋸齒食虎豹

翰曰皆遠方奇獸也玩美也茲白似

馬故云
盈衍儲邸充仍郊虞
向曰盈衍溢滿也儲邸猶府藏也言遠方之物溢滿

於府藏也充仍滿也郊四郊也虞掌山澤之
官言遠方所獻奇禽異獸滿於四郊山澤也
匭牘五臣本作

軌相尋鞮
丁譯無曠善曰尚書曰包匭菁茅匭音軌聘禮曰賈人啟積取圭垂纆而受宰

晉中興書王禹上言曰貢篚相尋連舟載路禮記曰西
方曰狄鞮北方曰譯尚書大傳曰成王時越裳氏重九

譯而獻白雉
銑曰軌躅行跡也言萬物貢獻行跡相尋不絕也周官鞮鞻氏掌四夷之樂也譯傳四夷之語

而宣之者也言四夷獻
樂譯言歲時不曠也
一尉候於西東合車書於南北

暢轂埋麟麟
之轍綏而旌卷悠悠之旆善曰揚雄解嘲曰東南一

尉西北一候禮記曰書同文車同軌毛詩曰文茵暢轂
范曄後漢書曰張綱埋其車輪於洛陽都亭毛詩曰有

車轡轡禮記曰武車綏旌魏都賦曰虹旌攝虎以就卷
毛詩曰悠悠旆旌良曰暢長也長轂兵車也轡轡衆

車聲也綏車上垂繩也旌旗也悠
悠旌旗垂兒埋卷言皆不用也
四方無拂勿五戎不

距偃革辭軒銷金罷刃
善曰周書曰四方無拂奄有天
下又曰五戎不距加用師旅漢

書張良曰昔武王伐殷紂事已畢偃革為軒陳琳應機
曰治刃銷鋒偃武行德濟曰拂亂也四方之戎有五

種不距捍王命也偃息革甲也辭軒去兵車
也金刃兵器也皆銷毀罷去之示不用兵也
天瑞降地

符升
善曰詩緯曰天下和同天瑞降地符升
翰曰天瑞者謂甘露也地符謂慶雲也
澤馬來

善曰孝經援神契曰德至山陵則
澤出神馬
向曰澤馬瑞馬也
器車出
善曰禮記曰
山出器車

銑曰器車
紫脫華朱英秀
善曰禮斗威儀曰人君乘土
瑞車也
而王其政太平而遠方神獻

其朱英紫脫宋均注曰紫脫北方之物上值紫宮凡言長生者不死也死則主當之尚書大傳曰德先地序則

朱草生瑞應圖曰朱草亦曰朱英
向曰並瑞草也華秀皆花也
佞枝植善同濟注

屈軼草出於階若佞人入朝則
屈而指之故曰佞枝植生也
歷草滋善曰田俅子曰

生於庭為帝成歷尚書帝命驗曰舜受命黃英孽
曰堯時有莫莢草生於階有十五葉從月一日日生一

葉至十五日日落一葉若月小則餘一
葉見此以知日歷故云歷草也滋茂也
雲潤星暉風揚

月至善曰京房易飛候曰青雲潤澤蔽日在西北為舉
賢良禮斗威儀曰君乘土其政平則鎮星黃而多

暉禮含文嘉曰朋友有舊內外有差則箕為之直月至
風揚宋均曰月至月行以度至也良曰暉明也風揚

謂和風也月至謂
月行不失度也
江海呈象龜龍載文
善曰禮斗威儀曰其君乘水而

王江海著其象龜龍被文而見宋均曰龜龍水物也文青黃白赤黑也具有此色見於水故曰被方握

河沈璧封山紀石

五臣本作號

邁三五而不追踐八九之遙

迹

善曰帝王世紀曰堯與羣臣沈璧於河乃為握河記今尚書候是也孝經鉤命決曰封于太山考績燔柴

禪于梁父刻石紀號禮記逸禮曰三皇禪云云五帝禪亭亭史記楚子西曰孔子丘述三五之法明周召之業

八九謂七十二君曹植魏德論曰越八功既成矣世既九於往素踵黃帝之靈矩濟同善注

貞矣信可以優游暇豫作樂崇德者歟

善曰禮記曰王者功成作樂老

子曰王侯得一而天下貞曹植魏德論曰帝猷成矣朕肱貞矣尚書大傳曰周公作樂優遊三年孫子兵法曰人効死而上能用之雖優遊暇譽令猶行也譽猶豫古字通周易曰先王作樂崇德于時青鳥司

開條風發歲粵上斯已惟暮之春

善曰左氏傳邾子曰青鳥氏司啓者也易

通卦驗曰立春條風至楚辭曰獻歲發春汨吾南行韓

詩曰三月桃花水之時鄭國之俗三月上巳於溱洧兩

水之上執蘭招魂祓除不詳也毛詩曰嗟嗟保介惟暮

之春翰曰青鳥春鳥也司開謂主生也言春氣主生

萬物也條風春風也粵上斯

已謂於此上巳也惟詞也

同律克和樹草自樂

善曰周禮

曰太師掌六律六同以合陰陽之聲鄭玄曰同陰律也

尚書曰八音克諧孔安國曰諧和也漢書文帝詔曰方

春和時草木羣生之物皆有以自樂

掌六同之律以合陰陽之聲同謂和六律也

向曰太史

禊飲之

日在茲風舞之情咸蕩去肅表乎時訓行慶動於天矚

善曰禮傳曰禊者絜也仲春之時於水上豐絜也論語

曰風乎舞雩詠而歸蔡邕月令章句曰秋冬肅急之後

故布生德和政令去肅急禮記曰孟春之月命相布德和令行慶施惠銑曰稷絜也言祓不祥以獲清絜也風舞謂歌詠先王之道也咸皆也蕩動也肅威也表法也言天子春行仁惠之令助時養物故懸其威嚴之法也行時訓謂先王之教也行戴懷平圃乃睠芳林芳林慶於人動於天子之眷囑也

園者福地奧區之湊丹陵若水之舊

善曰山海經曰槐江之山實惟帝之

平圃南望崑崙十洲記曰芳林園在青溪菰首橋東齊高帝舊宅齊有天子為舊宮宮東築山鑿池號曰芳林園遁甲開山圖曰驪山之西原有阜名風涼雍州之福地西京賦曰寔惟地之奧區神阜帝王世紀曰堯生於丹陵良曰載則也平圃芳林園名濟曰丹陵地名堯所生處也若水水名帝顓頊所生處也皆非江東之地也美而殷殷上均乎姚澤膺膺無禹尚於周原善曰呂氏春秋

曰顓頊生於若水乃登為帝又曰舜陶於河濱釣於雷澤登為天子賢士歸之萬人譽之陳陳殷殷無不載悅高誘曰殷盛也呂氏春秋曰舜為天子輒啟啟莫不載悅高誘曰啟啟動而喜兒也殷殷或為啟啟故兩引之輒知葉切啟仕勤切帝王世紀曰瞽叟之妻曰握登生舜于姚墟故姓姚氏堯求賢而四嶽薦舜堯乃命于順澤之陽毛詩曰周原膺膺莛茶如飴良曰殷殷盛兒姚澤舜生地膺膺美也均者言所游地盛同於姚澤也尚者言此處之美加於周原也

狹豐邑之未宏陋譙居之猶褊

反

善曰漢高祖豐人魏太祖譙人

翰曰豐邑漢高故里也宏大也譙居魏武帝故里也褊小也言皆以豐譙為

狹求中和而經處揆景緯以裁基飛觀神行虛檐

鹽雲

構善曰毛詩曰定之方中作于楚宮揆之以日作于楚室東京賦曰飛閣神行莫我能形劉公幹詩曰大夏

雲構 向曰言於園中作宮也將造作必求中和也經
處猶造作也周禮以土圭之法正日影日至影尺有五
寸謂之地中陰陽之所和故曰中和也揆度也景日緯
星也言度日星以正其東西南北之位飛觀高臺也神
言高若鬼神所作也行猶離房乍設層樓間起負朝陽
作也雲構言高與雲齊也

而抗殿跨靈沼而浮榮

善曰蜀都賦曰百室離房李尤
平樂館銘曰層樓通閣禁闥洞

房爾雅曰山東曰朝陽西京賦曰疏龍首以抗殿狀巍
峩以岌業毛詩曰王在靈沼鄭玄禮記注曰榮屋翼也
銑曰離房側室也層高也向曰負向也抗立
也跨道也榮屋檐也言近池水構屋檐於水上也

虹於綺疏浸蘭泉於玉砌

善曰傅玄陽春賦曰丹霞播
景文虹竟天李尤東觀銘曰

房閭内布綺疏外陳張衡七辨曰迴飈拂其寮蘭泉注
其庭劉楨魯都賦曰金陸玉砌玄栒震阿翰曰鏡御

也文虹謂飾虹蜺之文於牕也綺疏牕也渠中生蘭水繞於階故云浸蘭泉於玉砌也玉者美言之也砌階也

幽幽叢薄秩秩斯干曲拂遭迴潺湲徑復

善曰楚辭曰叢薄深林人

上標毛詩曰秩秩斯干幽幽南山淮南子曰曲拂遭迴以像偶語高誘曰拂戾遭迴水流也楚辭曰川谷徑復流潺湲良曰幽幽深見草木叢生曰薄秩秩水流兒斯干澗水也曲拂遭迴謂水曲折流也潺湲石中水流兒徑復謂出
新萍泛沚華桐發岫雜天采于桑萸啼

入山谷也

亂嚶聲於繇

五臣本作錦

羽

善曰禮記月令曰季春之月桐始華萍始生爾雅曰小洲曰沚山有

穴為岫毛詩曰桃之天天灼灼其華又曰手如柔荑又曰鳥鳴嚶嚶又曰繇蠻黃鳥薛君注曰繇蠻文兒向
曰沚池岫山也謂季春之月萍始生桐始華
銑曰天采桃花也柔荑初生木葉也錦文也

禁軒承

幸清宮俟宴

善曰如淳漢書注曰省中本為禁中然來興之物通呼曰禁漢書曰太僕先清宮

濟曰禁軒天子車也天子所御

曰幸清宮天子所游宮俟待也

善曰南都賦曰朱帷連網鄭司農周禮注曰在旁曰帷

在上曰幕鄭玄曰帝在幕若幄中坐上承塵也皆以緇

為之

帳也幕帳裙也宿置宵懸皆謂夜預設之至明也

既而

滅宿澄霞登光辨色

善曰宿列宿也張平子東京賦曰

桑禮記曰朝辨色始入向曰滅宿澄霞謂天曉

而無雲也登光辨色謂日光初上始辨曉色也

戒善

式道執爰展軫

零效駕

善曰漢書曰式道左右中候也

毛詩曰伯也執爰禮記曰君車

已駕則僕展軫效駕鄭玄曰展軫具視也效駕白已駕

也既曰戒道謂清淨其路也爰兵器也軫車也效命

也

徐鑾警節明鐘暢音

善曰淳于髡斗酒說曰明鐘擊磬調歌紳舞良曰鑾鈴也馬

徐行以警動其節知君之行也天子出則撞左鐘明謂初曉時也暢通也七萃連鑣九旂由

齊軌

善曰周穆王傳曰天子賜七萃之士郭璞曰萃聚也猶傳有七與大夫張景陽七命曰駟馬連鑣文

穎曰甘泉南簿天子出道車五乘旂車九乘蔡邕釋誨曰羣車方奔于險路安能與之齊軌齊曰七萃壯勇

士也鑣馬飾也九旂謂從天子之車九乘名曰九旂車軌車跡也建旗拂蜺揚葭振木

善曰東京賦曰龍輅充庭雲旗拂霓列子曰秦青撫節悲歌聲振林木翰曰建立也拂蜺謂旗高也葭蕭管

屬言其聲衆振山木而動也魚甲煙聚貝冑星羅五臣本作離重英曲瑤

側之飾絕景追善本風之騎善曰孫卿子曰楚鮫革屏作遺兜以為甲堅如金石毛詩

欽定四庫全書

文選

曰公徒三萬貝胄朱綬又曰二矛重英西京賦曰葩璿曲莖魏書曰上所乘馬名絕景為矢所中呂氏春秋曰故須青龍之匹遺風之乘向曰魚甲以鮫皮為甲貝胄以貝珠為胄也胄兜鍪也煙聚星離言多也銑曰重英綵畫之矛也曲璫車蓋昭灼甄部駟駿函列虎視王也絕景追風之騎良馬也

龍超雷駭電逝

善曰孫子兵法曰長陳為甄魏都賦曰驥馬填廐而駟駿周易曰虎視眈眈南

都賦曰馬鹿超而龍驤潘岳閒居賦曰礪石雷駭嵇康贈秀才詩曰風馳雷逝良曰昭灼光明也甄部長陣

駟駿良馬也函行列也濟曰虎視車轡轟隱隱紛紛龍超雷駭雷逝並言奔走疾速之甚也車轡轟隱隱紛紛

軫軫羌難得而稱計

善曰說文曰轟轟車聲也羽微賦曰隱隱軫軫被陵綠坂莫莫紛紛

紛山谷為之風颭左思吳都賦曰羌難得而麗縷翰曰轟轟隱隱聲也紛紛軫軫多也羌數辭也爾乃

迴輿駐罕岳鎮淵渟

音亭善曰東觀漢記曰天子行有畢旱石崇楚妃歎曰矯矯莊王淵

渟嶽峙

向曰輿天子車也罕獵車名

渟

容有穆賓

孫子兵法云其鎮如岳其渟如淵也

儀式序授几肆筵因流波而成次蕙肴芳醴任激水而

推移

善曰孟子曰君子所性仁義禮智根於心其生色也晬然見於面趙岐曰晬潤澤兒也毛詩曰天子

穆穆又曰序賓以賢又曰式序在位又曰或肆之筵或授之几古逸詩曰羽觴隨流波楚辭曰蕙肴蒸兮蘭藉

子虛賦曰涌泉清池激水推移銑曰晬潤澤之兒也穆和也式用也言賓客之儀用有次序也良曰凡玉

儿天子所憑也肆陳也因循也言循環流波坐而成次肴酒皆用激水而循行也蕙芳皆言香也肴肉也任用

也推移猶

葆

侑陳階金匏在席戚奏翹舞籥動邠

詩

善曰張晏漢書注曰以葦羽為葆也佾舞行列也毛詩曰我姑酌彼金罍禮記曰器用陶匏司馬彪續漢

書

曰執干戚舞雲翹周禮曰籥章掌土鼓幽籥又曰仲春擊土鼓歌幽詩以迎暑也向曰葆所以障舞人也

佾

舞名金匏皆樂器也邠詩所以迎暑節也謂將至于夏也

召

鳴鳥于弇

巷

州追伶倫於嶰谷發參差於王子傳妙靡

於帝江

善曰山海經曰弇州之山五采之鳥名曰鳴鳥爰有百樂歌舞之風漢書黃帝使伶倫自大

夏

之西崑崙之陰取竹嶰谷斷兩節間而吹之以為黃鍾之宮孟康曰解脫也谷竹溝也取竹之脫無溝節者

楚辭

曰望夫君兮未來吹參差兮誰思列仙傳曰王子喬好吹笙作鳳鳴山海經曰天山有神鳥其狀如黃雲

其文

冊六尺四翼渾沌無面目是識歌舞寔惟帝江翰曰弇州之山有五色鳥名曰鳴鳥其聲皆有曲度伶

倫樂人也黃帝使伶倫取竹嶰谷吹之以為黃鍾之音也參差笙曲名王子仙人王子喬也天山有鳥狀赤如丹是識歌舞至正五臣本歌有闕缺羽觴無筭上陳景於妙靡名帝江正作清

福之賜下獻南山之壽

善曰儀禮曰工告于樂正曰正歌備禮記曰有司告以樂闕鄭

玄曰闕終也楚辭瑤漿密勺實羽觴燕禮曰無筭之爵毛詩曰君子萬年介爾景福又曰如南山之壽不騫不

崩

向曰闕終也

銳曰上

信凱讌之在藻知和樂於

天子也景大也下謂羣臣也

食苹桑榆之陰不居草露之滋方渥

善曰毛詩序曰鹿鳴廢則和樂缺詩

曰呦呦鹿鳴食野之苹桑榆日所入也東觀漢記光武曰失之東隅收之桑榆毛詩曰湛湛露斯在彼豐草

良曰凱歡也詩云魚在在藻凱樂飲酒喻羣臣依明君如魚在於水藻之中以樂也食苹鹿鳴之詩也宴羣臣

嘉賓之義也濟曰日在桑榆之間言景不留也草露之滋方渥喻君恩已被露矣居留也滋潤也渥厚也

有詔曰今日嘉會咸可賦詩

善曰周易曰嘉會足以合禮揚雄蜀都賦曰吉日嘉

會凡四十有五人其辭云爾

王文憲集序

任彥昇

翰曰文憲者齊尚書令王儉也亮諡曰文憲集者錄其文章序者述集之所由

公諱儉字仲寶琅邪臨沂

魚人也

善曰蕭子顯齊書云王儉字仲寶

其

先

向曰其先謂始祖也

自秦至宋國史家牒

待詳焉

善曰琅邪王氏錄曰其先

出自周王子晉秦有王翦王雖世為名將七畧曰子雲家牒言以甘露元年生也

晉中興以來

六世名德為

善本無為字

海內冠冕

善曰晉中興書曰王祥弟覽生導導生洽洽生

珣珣生曇首沈約宋書曰王僧綽曇首長子遇害子儉嗣晉中興書庾冰疏曰臣因家寵冠冕當世古語

云仁人之利天道運行

善曰左氏傳君子曰仁人之言其利溥哉莊子曰天道運而無

所積故萬物成銑曰利者利萬物也天道運故呂虔行言行仁道者世祚長遠如天運之不絕也

歸其佩刀郭璞誓以淮水

善曰晉中興書曰魏徐州刺史任城呂虔有刀工相之為

三公可服此刀虔謂別駕王祥曰苟非其人力或為害卿有公輔之量故以此相與及祥死之日以刀授弟覽

曰吾兒凡汝後必興之足稱此刀故以相與王氏家譜曰初王導渡淮使郭璞筮之卦成璞曰吉無不利淮水

絕王氏滅若離翦之止殺吉駿之誠感盖有助焉善曰良同善注史記

曰王翦者潁陽人也事秦始皇使翦將兵而攻趙閼與破之後遂拔趙陳勝之反秦秦使王翦之孫王離擊趙王漢書曰王吉字子陽琅邪人也為諫議大夫子駿亦為諫議大夫超遷御史大夫吉居長安其東家有大棗樹垂吉庭中吉婦取棗以啖吉吉後知之乃去婦東家聞而欲伐其樹鄰里固請吉令還婦子駿元帝時為御史大夫妻死不復娶漢書張賀贊曰賀之陰德亦有助云向曰離王離也翦王翦也並為秦將行殺伐故云止殺書云以殺止殺終無犯者漢時王吉為諫議大夫吉子駿亦為諫議大夫俱著誠信蓋仁道所助云公

之生也誕授命世體三才之茂典

善本無典字

踐得二之庶

善本無庶字

幾

善曰周易曰有天道焉有地道焉有人道焉

庶字幾三才而兩之又子曰知幾其神乎顏氏之子其殆庶幾乎有不善未嘗不知知之未嘗復行韓康伯曰在理則昧造形則悟顏子之分也失之於幾故有

不善得之於二不遠而復故知之未嘗復行也 翰曰
誕大也千年一生聖人五百年一生賢人其中聖賢未
生有命世之才也三才
天地人道也茂美也 信乃昴宿垂芒德精降祉有一

于此蔚為帝師

善曰漢書曰張良從容先游下邳圯上
有一老父出一篇書曰讀是則為王者

師 銑曰漢相蕭何昂星之精垂芒謂發秀也精星也
陳仲弓諸潁川荀李父子德星為之聚此皆賢人之星
也言得此一精則蔚然
而起為帝王之師也 況乃淵角殊祥山庭異表望衢

罕窺其術觀海莫際其瀾

善曰論語撰考識曰顏回有
角頰似月形淵水也月是水

精故名淵摘輔像曰子貢山庭斗繞口謂面有三庭言
山在中鼻高有異相也故子貢至孝顏回至仁孟子曰
觀水有術必觀其瀾趙岐曰瀾水中大波也 良曰淵
角山庭賢人之相也祥善也表出也衢街皆道也言人

雖欲望其道其道幽遠常不能見者如宏覽載籍博游觀海水莫能至波瀾深淺者也際至也

才義

濟曰宏大也戴籍經典也博廣也

若乃金版玉匱之書海上名山

之旨

善曰七略曰太公金版玉匱雖近世之文然多善者抱朴子曰鄭君有玉匱記金版經范曄後漢書

曰荀爽遭黨錮隱於海上又遁漢濱以著述為事題為新書凡百餘篇司馬遷書曰僕誠著此書藏諸名山

翰曰金版玉匱書名也荀爽隱海上著書百篇名山即司馬遷所述史記也旨美也沈鬱澹雅之

思離堅合異之談

善曰揚雄為方言劉歆與雄書曰非子雲澹雅之才沈鬱之志不能成此

書莊子公孫龍問於魏牟曰龍少學先王之道長明仁義之行合同異離堅白呂氏春秋曰相劍者曰白所以為堅也黃所以紉也黃白雜則堅且紉良劍也難者曰黃白雜則不堅且不紉又柔則鏹堅則折劍折且鏹馬

得為利劍也 向曰離堅合異之談言能辯辭也離其
堅者使不堅辯其白者使不白合其異者使同離其同
者使其異也 莫不揔制清衷遞為心極斯固通人之所包非

虛明之絕境不可窮者其唯神用者乎

善曰言金版玉匱之書無不制在清

衷為心之極斯故通人君子或能兼而包之故非王公
之絕境也然其不可窮而盡者其唯有神用乎言難測
也衷中心也虛明亦心也 銑曰總聚衷思也言諸道
術莫不聚其制度運於清思遞互為用於心中也極中
也 良曰虛明心也絕達也言此道術固乃通人君子
所能兼包固非其致心絕達之境也然其不可窮究者
其唯神明之用者 然檢鏡所歸人倫異 善作 表雲屋天
乎非此所能論之

構匠者何工

善無工

自函

善作

洛不守憲章中輟

善曰劉琨勸進表曰

仍承西朝不守禮記曰仲尼憲章文武濟曰函函關謂長安也洛洛陽也言自西晉喪亂不守二京之都而憲章經籍皆中道而壞也賀生達禮之宗蔡公儒林之亞闕典未補

大備茲日

善曰晉中興書曰賀循字彥先博覽羣書尤明三禮為江東儒宗徵拜博士又曰諸葛恢

字道明時潁川荀顗字道明陳留蔡謨字道明俱有名譽號曰中興三明明時人為之歌曰京都三明明各有名蔡氏儒雅荀葛清劇秦美新曰帝典闕而不補翰曰晉朝賀循明三禮為江東儒宗又有蔡謨亦儒林之次也言賀蔡諸儒尚有闕典未補者而公乃能備脩於此日也至若齒危髮秀之老含經

味道之生

善曰鄭玄禮記注曰危高也然齒危謂高年也髮秀猶秀眉也東觀漢記杜詩謂功曹郭

卅曰今功曹稽古含經可謂至德桓譚荅揚雄書曰子雲歟味道腴

向曰齒危謂老者齒將落也髮秀謂髮

白也生者人
有德之稱

莫不北面人宗自同資敬

善曰漢書曰于
定國為廷尉乃

通學春秋身執經

北面備弟子禮孝經曰資於事父以
事君而敬同 銑曰言上老生之徒莫不北面中弟子

之禮也人宗謂為人所尊也自同
資敬謂師事之如君父之敬也

性託夷遠少屏塵雜

自非可以弘獎風流增益標勝未嘗留心也

善本無也
善曰

習鑿齒漢晉春秋曰王夷甫樂廣俱以宅心事外名重
於時故天下之言風流者稱王樂馬良曰夷易也弘

大也標高也言公性託簡易志在高遠少小屏弃塵雜
之事自非大勸風俗增益高遠之道者未嘗留心言志

在大不期歲而孤叔父司空簡穆公早所器異

善曰蕭
子顯齊

書曰王僧虔兄僧綽之子儉又曰世祖即位遷僧虔為
侍中亮贈司空侍中如故謚簡穆公

濟曰期
歲一歲

也言公一歲喪父故云孤也早年始志學家門禮訓皆所器異者叔父早以公為賢也

折衷

仲於公

善曰論語子曰吾十有五而志于學羽獵賦序曰不折衷于泉臺翰曰志學年十

五時也折衷者言皆取公所為以合制度也

孝友之性豈伊橋梓夷雅之體

無待韋弦

善曰毛詩曰張仲孝友餘同向注白曰伯禽康叔朝於成王見乎周公三見而三答之

二子有駭色乃問於商子曰吾二子見於周公三見而三答何也商子曰南山之陽有木名橋南山之陰有木名梓二子何不往觀之見橋木高而仰見梓木卑而俯二子還告商子商子曰橋者父道也梓者子道也言王公有孝友之性自天而成豈惟見橋梓而知也夷雅也體性也韋皮繩喻緩也弦弓弦喻急也西門豹性急故佩韋以自緩董安于性緩故佩弦以自急言王公汝郁平雅之性無待此韋弦以成也蓋自天性得中也

之幼挺淳至黃琬之早標聰察曾何足尚

善同銑注
銑曰後漢汝

郁年五歲母病不能飲食常抱持涕泣亦不肯飲食母
憐之強為餐飯誑言云已愈郁察母顏色未愈復不食
宗親異之挺拔也淳至謂淳孝之甚至也又黃琬七歲
失父祖父瓊育之是時屬日食京師不見瓊以狀奏聞
梁太后問所食多少瓊思其對未知所出琬在旁曰何
不言日食之餘如月之初瓊太驚即以之對太后也標
立也言此二子淳孝聰察比
之王公則二子曾何足尚也

年六歲襲封豫寧侯拜日

家人以公尚幼弗之先告既襲珪組對揚王命因便感

咽若不自勝

善曰蕭子顯齊書曰儉數歲襲爵豫寧侯
拜受茅土流涕鳴咽江表傳曰潘濬見孫

權涕泣交橫哀咽不能自勝良曰言王公六歲而襲
父祖之業為侯珪諸侯所執也組綬所以繫印者也感

咽謂悲甚不能言也初宋明帝居蕃與公母武康公主素不協及

即位有詔毀發

善作廢

舊塋投棄棺柩公以死固請誓不

遵奉表啟酸切義感人神太宗聞而悲之遂無以奪也

善曰蕭子顯齊書曰宋明帝以儉嫡母武康公主同太初巫蠱事不可以為婦姑欲開冢離其儉因人自陳密以死請故事不行濟曰誓不遵奉毀塋并棺之詔

翰曰太宗則明帝也無以奪謂依其所請也初

拜秘書郎遷太子舍人以選

善作

尚公主拜駙馬都尉

元徽初遷秘書丞

善曰吳均齊春秋曰宋明帝太始中

即太子舍人沈約宋書曰蒼梧王改元曰元徽吳均齊春秋曰儉超遷秘書丞向曰尚配也元徽年號也初

謂元於是采公曾之中經刊弘度之四部依劉歆七略年也

更撰七志

善曰蕭子顯齊書曰儉又撰定元徽四部書目王隱晉書曰荀勗字公曾領秘書監與中

書令張華依劉向別錄整理錯亂又得汲冢竹書身自撰次以為中經藏榮緒晉書曰李充字弘度為著作郎于時典籍混亂刪除頗重以類相從分為四部甚有條貫秘閣以為永制五經為甲部史記為乙部諸子為丙部詩賦為丁部蕭子顯齊書曰秘書丞上表求校墳籍撰七志四十卷上表獻之漢書曰劉歆總羣書而奏其七略故有輯略有六藝略有諸子略有詩賦略有兵書略有術數略有方技略銑曰言其修書史也同善注言儉采削之依前漢劉歆九流七略之書又為七志之書采拾也刊削也

蓋嘗賦詩云稷契

匡虞夏伊呂翼商周自是始有應務之迹生民屬心矣

良曰伊尹也呂太公也翼佐也言此四臣皆有至德以佐君故有應合時務之迹而百姓皆有屬望之心

時司徒袁粲有高世之度脫落塵俗

五臣作風塵善曰沈約宋書曰袁

粲字景脩順帝即位遷中書監司徒侍中袁粲與褚見左軍解交書曰雖欲虛詠濠肆脫落儀制其能得乎

公弱齡便望風推服歎曰衣冠禮樂盡

善無盡

在是矣

善曰

吳均齊春秋曰儉精神秀微體識聰異司徒袁粲見之歎曰宰相之門也括栢豫章雖小已有棟梁之氣矣

時粲位亞台司公年始弱冠年勢不侔公與之抗禮

善曰

春秋漢舍孽曰三公象五嶽在天法三能台與能同禮記曰人生二十曰弱冠漢書婁敬曰今欲比隆成康之時臣竊以不侔矣又曰將軍衛青位既益尊然汲黯與抗禮向曰年謂老少勢謂貴賤也侔等抗平也因

贈粲詩要以歲暮之期申以止足之戒

善本從言善曰韓詩曰蟋蟀

在堂歲聿云暮薛君曰暮晚也言君之年歲已晚也老子曰知足不辱知止不殆翰曰要約也歲暮之期謂

約以歲寒之志也止足之戒謂戒其滿盈也

粲荅詩云

善作

老夫亦何寄之

子照清襟

向曰老夫素襟自謂也之子猶夫子也即謂儉也亦何猶無也照見襟心也言老夫無所

寄託賴夫子見我而清心也

服闋拜司徒右長史

善同銑注銑曰儉遭所生母憂服

闋也司徒即素襟也

出為義興太守風化之美奏課為最

善曰漢書曰兒

寬為司農都尉大司農奏課聯最章昭曰聯得第一也良曰課考也最第一也

還除給事黃

門侍郎旬日遷尚書吏部郎參選昔毛玠之清公

善本作公

清

李重之識會兼之者公也

善曰魏志曰毛玠字孝先陳留人也少為縣吏以公

清稱魏國初建以玠為尚書僕射後典選舉傅暢晉諸公讚曰王戎為選官時李重李毅二人操異俱處要職

我以識會待之各得其所玠音介翰曰參掌也魏毛玠為典選舉晉李重為吏部郎識會謂識鑒也言公清識

鑒之理並於古人者儉也俄遷侍中以懲侯善作

始終之職固辭不拜

善曰蕭子顯齊書曰升明二年儉遷長史兼侍中以久終此職固讓沈約宋書曰王僧綽遷侍中元凶巫蟲事

洩上召僧綽具言之助於宮夜饗將士僧綽密以啟聞項之助亂檢太祖中箱得僧綽所答饗士并廢諸王事

乃收害焉世祖贈散騎常侍金紫諡愍侯向曰愍補侯即儉父言父始終經任此職固辭此官而不拜也

太尉右長史時聖武定業肇基王命

善曰蕭子顯齊書曰進太祖太尉聖

武謂齊高帝也干寶晉武革命論曰高光爭伐定功業也尚書曰至于太王肇基王迹銑曰聖武謂齊高祖

也定業謂征伐定亂也肇始基立也言始將立王命之初然未即位也寤寐風雲實資人

傑善曰毛詩曰寤寐思服毛萇曰服思之也周易曰雲從龍風從虎聖人作而萬物覩漢書高祖曰夫運籌

於帷幄之中決勝於千里之外吾不如子房鎮國家撫百姓給餉饋不絕糧道吾不如蕭何連百萬之衆戰必

勝攻必取吾不如韓信三者皆人傑吾能用之銑曰寤寐風雲謂朝夕思其相感應以成其大業者實資人

傑也智倍萬人曰傑是以宸居膺列宿之表圖緯著王佐之符俄

遷左長史齊臺既善作初建善曰若漢高祖之膺五星李通之著赤伏典引曰高光二

聖宸居其域蔡邕曰如北辰居其所而衆星拱之班固漢書贊曰劉向稱董仲舒有王佐之才蕭子顯齊書曰

進太祖位相國為齊公良曰宸居天子宮也膺當也

列宿帝座星也圖識也緯謂織也著明也王佐謂賢才

可以佐輔天以公為尚書右僕射領吏部時年二十八

濟曰宋帝以齊高帝為齊公為立百司臺署故云齊臺也宋末艱虞百王澆季禮紊

舊宗樂傾恒軌善曰班固漢書贊曰漢承百王之弊

薄紊亂軌跡也自朝章國紀典彛備物奏議符策文辭表記素

意所不蓄前古所未行皆取定五臣作傾神無滯用

太祖受命以佐命之功封南昌縣開國公食邑二千戶

向曰章章程紀綱紀也彛常也典常備物朝廷威儀也

符策也蓄積也神無滯用謂神用不滯而必決也銑

曰太祖謂齊高帝也
受宋禪故云受命

建元二年遷尚書左僕射領選如

故自營

後郤烏

分司盧欽兼掌譽望所歸允集茲日

善

應劭漢官儀曰獻帝建始四年始置左右僕射以執金
吾營郤為左僕射衛臻為右僕射今以策劭為營郤誤
也營役瓊切郤烏合切虞預晉書曰盧欽少好學為尚
書僕射領吏部欽清實選舉稱為廉平翰曰同善注
言自營郤盧欽二人以至於今其聲譽德望所歸者信
在於儉也允信也良曰言知吏部選事如故謂前領
吏部尋表解選翰曰言尋上表請詔加侍中又授太子

詹事侍中僕射如故固辭侍中改授散騎常侍餘如故

太祖崩遺詔以公為侍中尚書令鎮軍

善本作國字

將軍永

明元年進號衛將軍二年以本官領丹陽尹

善曰本官謂侍中尚

書今翰曰丹陽帝都郡名也

六輔殊風五方異俗

善曰漢書曰倪寬遷左內史表奏開

六輔渠韋昭注曰六輔謂京兆馮翊扶風河東河南河內漢書曰京師五方風俗雜錯向曰六輔謂旁有六

郡相近也五方者謂四方及帝都也公不謀聲訓而楚夏移情

善曰揚雄與桓譚書

曰望風景附聲訓自結史記曰淮南沛陳汝南郡此西楚也潁川南陽夏人之居也故至今謂之夏銑曰訓

教也言不作聲譽教示而下人感其道德已移情於善道矣楚謂遠也夏謂近也

故能使解劔

拜仇歸田息訟

善同良注良曰後漢許荆兄子世嘗殺人其讐操兵將殺世荆乃跪曰今願

殺我以代世死仇讐者曰許掾郡中稱君賢何敢相侵遂解劔而去跪即拜也前漢韓延壽為東郡太守有兄

弟相與訟田延壽乃自悔責閉閣不出視事於是前郡訟者自相責讓終不敢爭田也歸田謂不爭也

尹溫太真劉真長或功銘鼎彛或德標素尚

善曰王隱晉書曰溫

嶠字太真太原人也為郡尹後平蘇峻之亂賊榮緒晉書曰劉恢字真長沛國人也為丹陽尹性重莊老禮記曰鼎有銘銘者論譔其先祖之德美功烈勲勞而酌之祭器左氏傳臧武仲曰大伐小取其所得以作彛器銘其功以示子孫孔欣猛虎行曰飢不食邪蒿菜倦不息無終里邪蒿非素尚無終喪若始濟曰前郡尹謂前丹陽尹溫嶠字太真劉恢字真長也鼎彛皆器也有臭大功者銘之於上以示後世也素尚謂清素高尚也臭味風雲千載無爽

善曰言其感應千載不差也左氏傳季武子謂晉范宣子曰今譬於草木

寡君之臭味也楚辭曰虎嘯而谷風至龍舉而景雲從言物類之相感也王逸曰虎陽物也谷風陽氣也言虎

悲嘯而吟則谷風至而應其類龍介蟲陰物也景雲亦陰也言神龍將舉升天則景雲覆而扶之輔其類也翰曰臭香也言倫繼溫劉之跡而為尹丹陽聞其餘德如有馨香慕其遺化如有滋味風虎雲龍同氣相感雖千載亦無差爽也親加弔祭表薦孤遺遠協神期用彰世祀

善曰

左氏傳史趙曰威德必百世祀向曰言儉親自弔祭溫劉二尹上表奏薦其孤遺子孫遠合於鬼神之期用明代祠祀之禮也時簡穆公薨以撫養之恩特深恒慕表求解

職有詔不許

善曰同銑注也儉少失父母

銑曰簡穆公儉叔父僧虔所養故特深於常哀表求

解職服斬衰有勅不許慕謂哀慕也

國學初興華夷慕義經師人表允茲

望實

善曰漢書平帝曰詔校書置經師一人任昉雜傳魏德公謂郭林宗曰經師易獲人師難遭何法盛

晉中興書曰王安期為東海王越記室參軍勅子毗曰
王參軍人倫之表汝其師之良曰華夷謂華夏四夷

慕國家道義經典之師為人復官善本作復以本官
表法允茲其才望美實也濟曰謂居叔父之服

今却居官領國子祭酒三年解丹陽尹領太子少傅餘
故云復官

悉如故挂服捐駒前良取則卧轍棄子後子胥怨善曰
挂服

未詳餘同翰翰曰魏裴潛為兗州刺史嘗作一胡牀
及去留挂於官第凡所用物必皆呼為服也王遜為上

洛太守家有私馬生駒留以付郡謂所產故也捐弃也
言前代賢良取之以為法則後漢侯霸為淮陽太守帝

使徵詣都百姓號哭遮使車卧於轍中乞留侯君一年
百姓乃戒其乳婦弃其孩子侯君當去必不能全也初

成湯征自葛百姓皆曰何後予人皆以此相怨怨湯不
早來為我除害也胥相也言儉解丹陽尹百姓亦如此

皇太子不矜天姿俯同人範師友之義穆若金蘭

善曰

蜀志曰諸葛亮與杜微書曰朝廷年十八天姿人敏愛德下士說苑曰燕昭王問於郭隗曰寡人地狹人寡齊人削取八城宗廟恐危社稷存之有道乎郭隗曰帝者之臣其實師也王者之臣其實友也王誠能與隗請為天下之士開路周易曰二人同心其利斷金同心之言其臭如蘭向曰皇太子武帝太子也名昭業言太子不矜夸天子之姿俯同常人之法以尊又領本州大中訓學也穆美也金喻堅也蘭喻香也

正頃之解職

銑曰頃之言不久也

四年以本號開府儀同三司餘

悉如故

善同良注本號謂衛將軍也

謙光愈遠大典未申

善曰謂辭儀同

三司也周易曰謙尊而光卑而不可踰君子之終也

濟曰愈益也大典重位也

六年又申前

命

善曰儀同三司之命
曰前命謂故官悉如故

翰

七年固辭選任帝所重違

善曰選任尚書令也謝承後漢書曰楊賜讓選侯爵朝
廷重違其志也向曰固辭知吏部選任之事也重違

頻不許辭
讓之請也詔加中書監猶參掌選事長輿追專車之恨

公曾甘鳳池之失

善同銳注
荀勗為監

銳曰晉和嶠為中書令
合同車而行嶠不禮

勗常以意氣加之每專車而坐專獨也勗還為尚書令
人皆賀之勗不悅謂人曰奪我鳳皇池何所賀也長輿
嶠字也公曾勗字也言昔者任不得才或專車而獨坐
或發志於見奪今儉有德故專車者慙而追恨怨奪者
愧而甘夫奔競之塗有自來矣善曰晉諸公讚曰傅宣
失之也定九品未訖劉疇代之
悉改宣法於是人人望品求者奔競良
曰奔摧勢之道有之自古來也塗道也以難知之性

協易失之情

善曰桓子新論曰凡人性難極也難知也故其絕異者常為世俗所遺失焉

濟曰

人性賢愚深厚難知欲合前人之情故宜易失也協和也

必使無訟事深弘誘

善曰論語

子曰聽訟吾猶人也必也使吾訟乎

翰曰

公提衡惟

允一紀于茲

善曰漢書曰衡平也所以平輕重也言選曹以材授官如衡之平物故取以喻焉韓

子曰貴賤不相踰愚智提衡而立孫綽王蒙誅曰提衡左府舉直閉邪

向曰提執也允當也一紀十二年也

拔竒取異興微繼絕

善曰王隱晉書羊枯曰吾不能取異於屠釣拔竒於版築豈不愧知

人之難哉興微即興滅也論語子曰興滅國繼絕世鈇曰拔用竒異之才使居其職諸侯公卿有祚微者與

之緒絕者繼之

望側階而容賢候景風而式典

善曰燕丹子曰曰光見太子

太子側階而迎家語孔子謂魯哀公曰衛有士曰慶足者國有大事則必赴而治之國無事則退而容賢靈公悅而敬之王肅曰言其所以退欲以容賢於朝也良白側階下階也言其禮賢欲容納之於朝也景風東風也淮南子云景風至則施爵祿賞有功春秋三十有八也式法也言欲法此事以為帝典也

七年五月三日薨于建康官舍皇朝軫慟儲鉉傷情

善曰

漢書疎廣曰太子國儲副君周易曰鼎金鉉鄭玄尚書注曰鼎三公象也濟曰皇朝謂天子也軫痛也儲謂太子也鉉鼎耳也謂三公也有識銜悲行路掩泣豈直春者不相功

善作女寢機而已哉善曰說苑雍門周說孟嘗君曰有識之士莫不為足下寒心酸鼻論

衡曰行路之人皆能論之史記趙良謂商鞅曰五羖大夫死秦國男女流涕童子不歌謠春者不相杵劉縯聖

賢本紀曰子產治鄭二十年卒國人哭於巷婦人哭於

機

翰曰秦大夫百里奚卒國人哀之春者不相送梓

聲也鄧子產卒人思之功女為之輟機言儉之

堯也豈直如此而已哉蓋君臣所共痛傷也

故

善本有以

字痛深衣冠悲纏教義豈非功深砥礪道邁舟航沒世

遺愛古之益友

善曰尚書高宗曰若金用汝作礪若濟巨川用汝作舟楫左氏傳曰子產卒仲

尼聞之出涕曰古之遺愛也班固漢書贊曰劉向指明梓柱以推廢興豈非直諫多聞古之益友與向曰以

其脩衣冠之禮故衣冠之士痛深也以其明教義之道故教義之子悲纏悲纏謂纏繞于心也邁越也砥礪石

也所以磨利其器以喻利人舟航船也所以濟乎大川喻濟人也沒世遺愛言死後人思之也益友謂益於朋

之道追贈太尉侍中中書監如故給節加羽葆鼓吹

保

增斑劔為

善無

六十人諡曰文憲禮也

善曰漢官儀曰斑劔者以虎皮

飾之諡法曰忠信接禮曰文博聞多能曰憲

銑

公在

物斯厚居身以約

善曰齊春秋曰儉不好聲色未嘗游宴衣裘服用自周而已

良曰利物

不利玩好絕於耳目布素表於造次

善曰周禮曰凡式貢之餘財以供玩

好之用尚書曰弗役耳目百度惟貞論語子曰造次必於是

濟曰布素貧素人也表出也造次急遽也言有

貧素之人必出財以賑其急遽也

室無姬姜門多長者

善曰左氏傳君子曰詩曰雖有

姬姜無弃憔悴漢書曰陳平少時家貧然門外多長者車轍

翰曰室無姬姜謂不好色也門多長者重賢良

也姬姜美女也立言必雅未嘗顯其所長

善曰孝經援神契曰矜莊嚴栗出言必雅

孫資別傳曰朝臣會議資奏是非擇善者推
而成之終不顯己之德翰曰不說己長也持論從容

未嘗言人所短

善曰風俗通曰太尉范滂滂辨於持論謝承後漢書曰夏勤從容論議吳志曰是

儀時時有所進未嘗言人之短

濟曰

弘長風流許與

氣類

善曰檀道鸞晉陽秋曰謝安為桓溫司馬不存小察盡弘長之風習鑿齒漢晉春秋曰王夷甫樂

廣俱以宅心事外名重於時故天下之言風流者稱王
樂焉謝承後漢書曰桓璉郗營氣類經緯士人良曰

弘大也風流謂風化流於天下也許與謂招引也氣類
謂同氣相求方以類取也言招引道義之士與已同也

雖單門後進必加善誘

善曰三輔決錄曰王豹出自單門論語曰夫子善誘人濟曰

單謂寒也言雖寒門後進必
加善誘之道使脩行其業也

勛以丹青之價弘以青冥

之期

善曰鍾會集言程咸曰丹青之鳳青冥之龍翰曰最勉也丹青天也青冥雲也價美也期契也言

最勉學者使其道業高遠如天雲也

公銓品人倫各盡其用

善曰廣雅曰稱謂之銓聲

類曰銓所以稱物也向曰各隨才而耀用也

居厚者不矜其多處薄者不怨

其少

善曰老子曰前識者道之華而愚之始是以大丈夫處厚不處薄銓曰言知公節也

窮涯

而反盈量知歸

善曰莊子市南子曰君步於江而浮於海望之而不見其涯愈往而不知其所

窮送君者皆自涯而反畔則反也知滿如以器求物盈於器乃歸也量器也

皇

朝以治定制禮功成作

五臣本作改

樂思我民譽緝熙帝圖

善曰禮記曰王者功成作樂治定制禮左氏傳曰晉悼公即位六官之長皆民譽也毛詩曰惟清緝熙文王之

典孝經鉤命決曰丘乃投帝圖撮秘文
濟曰人舉謂謳謠美德也緝熙光明也

雖張曹爭論

於漢朝荀摯

至

競爽於晉世無以仰模淵旨取則後昆

善曰東觀漢記曰張酺拜太尉章帝詔射聲校尉曹褒
案漢舊儀制漢禮酺以為褒制禮非禋祥之符表有似
異端之術上疏曰褒不被刑誅無以絕毀實亂道之路
臧榮緒晉書曰太尉荀顗先受太祖勅述新禮太康初
尚書僕射朱整奏付尚書郎摯虞討論之虞表所宜增
損條目改正禮新昔異狀凡十五事左氏傳晏子曰二
惠競爽猶可又尚書曰以義制事以禮制心垂裕後昆
翰曰言雖此四人論競禮義亦不可以仰模儉之深
意而欲取法則於
後世爽差淵深也
每荒服請罪遠夷慕義宣威授指寔

寄宏略

向曰荒服達國也宣國之威授
指謂授指揮也寔實宏大也

理積則神無忤

往事感則悅情斯來

銑曰義理積於心所為必決則神思無忤往也前事感其義理則皆

以喜悅之情而來歸德也

無是已之心事隔於容諂罕愛憎之情理

絕於毀譽

良曰隔絕也容諂謂諂媚之容也人無愛增均平如一則毀譽從何而生也

造理

常若可干臨事每不可奪

濟曰造至也干犯也言至於大體之理性多寬和故若可

犯言而臨事必定故不可奪移也

約已不以廉物弘量不以容非

善曰魏文

帝典論曰君子謹乎約已弘乎接物魏志孟康薦崔林曰體高雅之弘量謝承後漢書郎顗章曰陛下寬下容

非 翰曰不以廉物謂廣施於物也弘大也不以容非謂不客人為非也

攻乎異端歸之正

義 善曰論語曰攻乎異端斯害也已 向曰異端謂非常之事為人害者故攻而伐之使歸正義 公生

自華宗世務簡隔

善曰魏志曹植上疏曰華宗貴族必應斯舉漢書曰嚴安徐樂上書言世

務銑曰言生於富貴之宗而時務簡略隔絕素所不習也

至於軍國遠圖刑政大

典既道在廊廟則理擅民宗

良曰理擅民宗謂政理之事獨為人所尊重擅獨也

若乃明練庶務鑒達治體懸然天得不謀成心

善曰潘岳

碣曰君深達治體垂化三宰濟曰懸遠也言達然得之於天不謀議於人已暗成於心也

求之載

籍翰牘所未紀訊之遺老耳目所不接

翰曰載籍前代史也翰筆也牘

版所以書記事也紀記訊問也言儉之道德古今希有也

至若文案自環主者百數

皆深文為吏積習成奸

善曰漢書曰張湯務在深文拘守職之吏應劭風俗通曰積習

而成不敢獨否 向曰文案多而自環繞其坐也主者百數謂訟久不定主司易百數人者此事皆積習以成奸偽

矣 畜筆削之刑懷輕重之意 善曰漢書曰今有司請定法削即削筆即筆服虔曰

言隨君意也又曰嚴延年為涿郡太守掾趙繡按高氏即為兩劾欲先白其輕者觀延年意延年怒乃出其重劾

銑曰畜積也筆削謂遷易其文不定也輕重之意謂妄有如減之狀 公乘理照物動必

研幾 善曰晉中興書謝安石上疏曰王公超登清任當虛心乘理周易曰夫易所以極深研幾 濟曰研

幾謂研窮其幾微之理 當時嗟服若有神道 善曰周易曰聖人以神道設教而天

下服矣 翰曰言既研幾而為斷決則當時之人嗟歎而服之若有神明之道也 豈非希世之

儔民瑚璉之宏器 善曰汝南先賢傳曰謝子微高才遠見許劭年十八時有歎息曰此希世

之偉人也論語子貢問曰賜也何如子曰女器也曰
何器也曰瑚璉也向曰瑚璉黍稷器也宏大也曰

行無異操才無異能得奉名節迄將一紀善曰魏志董昭謂太祖曰

明公樂保名節而無大責銑曰此任昉自序情也得奉名節謂昉與儉交游也迄盡也十二年曰一紀也

一言之譽東陵侔於西山一面善作之榮鄭璞踰於周

寶善曰路粹為曹公與孔融書曰邀一言之譽者計有餘矣莊子曰伯夷死名於首陽之下盜跖死利於東

陵之上彼所殉仁義也則俗謂之君子其所強貨財也則俗謂之小人其所殉一也司馬彪曰東陵陵名今屬

濟南也法言曰夷齊無仲尼則西山餓夫列子曰吾師老商氏三年之後始得夫子一盼而已戰國策應侯曰

鄭人謂王之未理者為璞周人謂鼠之未腊者為璞周人懷璞過鄭問賈曰欲買璞乎鄭賈曰欲之出其璞示

之乃鼠也因謝而不取高誘曰理治也鼠未燥腊者號
之為璞尚書曰弘璧琬琰在西序孔安國曰皆歷代傳

實良曰昉自謙不才濫見推譽為美同善注言
虛叨以顧盼則榮過於才亦猶鄭璞過於周寶也士感

知己懷此何極

善曰曹植祭橋玄文曰
士死知己懷此無忘

出入禮闈朝夕

舊館

善曰十洲記曰崇禮闈即尚書上省門崇禮東建
禮門即尚書下舍門然尚書省二門名禮故曰禮

闈也
闈尚書省也

瞻棟宇而興慕撫身名而悼恩

善曰孫
卿子孔

子謂哀公曰吾入廟仰視棟棟俛見几
筵君以此思哀則哀將焉而不至矣

公自幼及長述

作不倦

善曰仲長子昌言曰子長班固述
作之士翰曰述作文史詩賦也

固以理窮言

行事該軍國豈直彫章縟采而已哉

善曰說文曰縟繁
也彩色也濟曰

該及也所有述作言行軍國大事豈直若乃統體必善

為彫飾文章以為鐫采乎鐫采雜色也

綴賞無地善曰王彪之賦曰於是乎統體而詠之向曰統序也綴賞追賞也無地不擇地遇之則

為勝也雖楚趙羣才漢魏衆作曾何足云善本又有曾何足云一句善

曰楚有屈原趙有荀卿漢則司馬揚雄魏則陳思王粲昉嘗以筆札見知思五臣本無

思以薄技效德善曰陸機表詣吳王曰臣本以筆札見知淮南子曰齊伐楚市偷進謂楚將子

發曰臣有薄技願而行之是用綴緝遺文永貽世範善曰袁宏三國名臣贊序曰風

軌德音為世作範善本如千卷上所撰古

銑曰貽遺範法也善本如千帙一句所撰古

今集記今書七志為一家之善本無言不列于集集錄如

之字

左



文選卷四十六